



सानसेयारि 'बड'सा' खीरालाइयाव
अमाज्यादि जिउजो लोब्बा थावाय रायथाय, खन्थाय,
अल', अल'बाथा आरो हावबायादि थावनि, पार्क
बाइदिनि सायाव लिख्नाय लिख्निबो बैथाय ठर/
सानसेयारि 'बड'सा' खीरालाइया अवेख्नावनि
फोसावगोन।
बड'सायाव लिख्नायनि हुवा खालाम,
'बड'सा' खी नौथा, जो बयबो अंगो खालाम।
सानसेयारि बड'सा मावखुलि
माइब नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 6 December, 2023 Kokrajhar, BTC, Assam ★ Vol.- 33, Issue No. 250 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

फैगो 14 फेब्रुवारिआव
राइज्योनि दर 10
जिल्लायाव राइज्योआरि
बन्द फोसावदों

गुवाहाटी, 5 डिसेम्बर: आसाम सरकारआ मोनसे जे 'खा' थांखि फोसावना होदों। सरकारनि थांखि बायदियै फैगो 14 फेब्रुवारिआव आसामनि दर 10 जिल्लायाव जायगायारि बन्द फोसावदों। अलि आये लुगांखो लोब्बा लानाने बन्दनि सानखो फोसावना होदों। बे सानखालि माखासे जिल्लाफोराव गासैबो सरकारि फसंथान-आफाद, फरायसालि, फरायसालिमाफोरा बन्द थागोन। जायगायारि बन्द फोसावना होनाय जिल्लाफोरा जाबाय- धेमाजि, लक्ष्मिपुर, तिनचुकिया, डिब्रुगड, जरहाट, गलाघाट, शिवसागर, माजुली, सनितपुर आरो शराइदेउ।

गिबि मन्थि ड० हिमन्त बिश्व शर्माआ जिल्ला बेंगिरिफोरजों सावराय जथुम खुंदों
मिशन बसुन्धरा 2.0, गेलेमु गौमा, हारिमुवारि जांखिथाइ, रेशन कार्ड,
हा-हुनि फान्नायनि मुंखौ नंखाय सोरजिनायनि सोमोन्दै सावरायज्जायदों

दिसपुर, 5 डिसेम्बर: आसामनि गिबि मन्थि ड० हिमन्त बिश्व शर्मानि आफादगिरि मासि सामलायनायाव दिने गुवाहाटीनि जनता भवनआव थानाय लकसेवा (सुबुं सिबिथाइ) न'ब्लां आव जिल्ला बेंगिरिफोरजों मोनसे सावराय जथुम खुंदों। जथुमाव गिबि मन्थिआ मिशन बसुन्धरा 2.0 नि खामानि दामानि सिगानायजों लोगोसे माहारियारि आदार रेखाथि आइननि सिडव रेशन कार्ड गथायनायनि सोमोन्दै मिबथिना लायो। दिनैनि



जथुमावने गेलेमु गौमा, हारिमुवारि जांखिथाइ बायदि गुबुन गुबुन आयदानि सोमोन्दै गिबि मन्थिआ जिल्ला बेंगिरिफोरजों सावरायज्जायदों। बेनि अनगायैबो गुवाहाटी पुलिस कमिशनारनि संदानायाव कामरुप नोगोरमा जिल्लायाव बावैसो सोमजिनाय हा-हुनि फोरमान बिलाइ नंखाय सोरजिनायखो होबथानायनि थाखाय आजवान लानो गोनां राहानि सोमोन्दैबो जथुमाव सावरायलायनाय जादों। गिबि (□ 5 बिलाइआव)

पर्वतझरायाव गेदेमा थुनलाइगिरि ब्रजेन्द्र
कुमार ब्रह्मनि रुंसारि सानजों लोब्बा
लाखिनाने 4थि खन्थाय सान फालिदों



कक्राझार, 5 नभेम्बर: बर' थुनलाइ आफादनि बारग' आफादगिरि, टेगर थुनलाइ बाथा, साहित्य अकादेमी बाथा मोनगिरि, खन्थाइगिरि-थुनलाइगिरि मानिजाथाव गेदेमा ब्रजेन्द्र कुमार ब्रह्मनि 4 थि रुंसारि सानजों लोब्बा लाखिनाने 4थि खन्थाय सान फालिनाय जायो। हाबाफारि बादिथै खन्थाय आवराइनाय खन्थाय सुजुनाय हाबाफारिजों उन्दै-उन्दै लाइमोनफोरखो गोसो बोहोना हानाइ बाइदि बे सानखौ फालिनाय जायो। कक्राझार जिल्लानि पर्वतझरा महकुमानि सिडव थानाय टिपकाइ दैसा रोबै (सिलिकिकाता) आव पर्वतझरा (□ 5 बिलाइआव)

मानास माहारियारि पार्कनि नारायणगुरि लावखार
ओंखाम जाग्रा जायगाखौ बेखेवबाय

सालवारि, 5 डिसेम्बर: बोसोरनि जोबथा डिसेम्बर दानखौ लाउखार ओंखाम जानायनि बोथोर होनाने साना लानाय जायो। गोजां बोथोर सौफैनाय लोगो-लोगो राइज्योनि गुबुन गुबुन ओन्सोलजों लोगोसे मानास माहारिया पार्कनि लावखार ओंखाम जाग्रा जायगाफोराव अन्सायारिफोरनि होंगो-दोंगो जाफैनायखौ नुनो मोन्दों। गोजाम बोसोरखौ बिदाय होनाने गोदान बोसोरखौ बरायनायनि साखा-फाराजों



बोथिसे ओंखाम जानाने गोजोन रंजनायखौ नुनो मोन्दों मानास नारायणगुरि लावखार ओंखाम जाग्रा जायगायाव। बेनि

गेजेरावनो दिनै मानास माहारियारि पार्क नारायणगुरिनि लावखार ओंखाम जाग्रा जायगाखौ हाबाफारि बायदियै

तामुलपुरनि पातकिजुलियाव
बिपिएफ दोलोनि 18थि
गायसन्थाय सान फालिदों



तामुलपुर, 5 डिसेम्बर: तामुलपुर जिल्लानि सिडव थानाय पातकिजुलियाव दिने बिपिएफ दोलोनि बान्जायनायाव बिटिसिनि गोखों ओन्सोलारि रजखान्थि दोलो बिपिएफनि 18थि गायसन्थाय फालिदों। हाबाफारि बायदियै फुनि समाव बिपिएफ दोलोनि फिफलाखौ बिरहोयो दरखजुलि ब्लक बिपिएफनि आफादगिरि पकरुदिन आहमेदओ। बेनि उनावो 18थि गायसन्थाय सानखौ लोब्बा लानाने गासै 200 निफ्राय बांसिन बिपिएफनि मावफारियाफोरनि नुजाथिफेनायाव मोनसे दोलोयारि मेल खुनाय जायो। दरखजुलि ब्लक बिपिएफनि गुबुन सासे नेहाथारि नमल कलिताआ सामलायनाय मेलआव (□ 5 बिलाइआव)

बासुगावआव श्रिथि ठाकुर
अनुकुल चन्द्र-
श्रिथिबरदानि जोनोम
सान आरो सत संघ
मिरुनि बोसोरारि फोर्बा
फालिनो लाहार-फाहार

बासुगाव, 5 डिसेम्बर: श्रिथि ठाकुर अनुकुल चन्द्रनि 136थि आरो श्रिथिबरदानि 113थि गोथार जोनोम सान फोर्बाजों लोगोसे बासुगाव सत संघ मिरुनि बोसोरारि फोर्बा फालिनो लाहार-फाहार जादों। फैगो 17 डिसेम्बरखालि सानसेनि हाबाफारिजों खुंजानो गोनां फारिलाइनि गेजेराव भग रानसानाय, उषा किर्तन, फुर्बिलि (□ 5 बिलाइआव)

14 थि सिनियर हौवा आरो हिन्जाव माहारियारि
चकबल सेम्पियनसिप 2023 आ खुंफुंजाबाय

कक्राझार, 5 डिसेम्बर: बिटिसि सदर कक्राझारआव थांनाय 3 डिसेम्बरनिफ्राय जागायजेनाय 14 थि सिनियर हौवा आरो हिन्जाव माहारियारि चकबल सेम्पियनसिप 2023 आ दिने खुंफुंजायो। मख'नो गोनांदि, कक्राझार सरकारि गोर्जोसिन गेजेरारि आरो थांखि गोबां फरायसालियाव बे बादायलायनायखौ सान 3 नि हाबाफारिजों खुंजाने मोन आरो बे माहारियारि थाखोनि बादायलायनायाव आसाम, सोनाब बंग, झारखण्ड, बिहार, उरिष्ठा, मध्य प्रदेश, राजस्थान,



पान्जाब, महाराष्ट्र, कर्नाटक, दिल्ली, छट्टिसगड, गवाजों लोगोसे दर 13 राइज्योनि गासै सा 294 गेलेगिरिफोरा बाहागो लायो। दिनै 14 थि सिनियर हौवा आरो हिन्जाव माहारियारि चकबल सेम्पियनसिप 2023 नि फाइनाल बादायलायनायाव (□ 5 बिलाइआव)

जमदुवार बियाबाव बिटिसि सरकारनि बायदि सुबुं
अन्सायारि बिथांखिनि सायाव सांग्रांथियारि हाबाफारि खुंदों

गसाइगाव, 5 डिसेम्बर: कक्राझार जिल्लानि जमदुवार बिटिसि बियाबनि सिडव थानाय भिसिडिसिफोरखौ लानाने दिने बिटिसि सरकारनि बायदि सुबुं अन्सायारि बिथांखिनि सोमोन्दै मोनसे सांग्रांथियारि मेल खुनाय जायो। गसाइगावनि कासियाबारिआव थानाय जमदुवार भिसिडिसिनि सावराय न'ब्लाडव खुनाय बे सांग्रांथियारि मेल बिटिसिनि मावफुं सोद्रोमा रेव रेवा नाजिहारीआ गहाइ आलासि महरै बाहागो लानाने गावनि



बिबुंथियाव बिटिसि सरकार राइजो-राजाफोरनि थाखाय आजवानाय बिथांखिफोरनि सायाव गुवारै फोरमायथिनाने

होयो। बिथाड बुडेदि, प्रमद बर' दैदेनाय सरकार निखाविर

उदालगुरि दख'रा एबसुनि 54 थि थान्दै
जख'न्थायनि गाहाइ खुन्थिया गायसन्दों



उदालगुरि, 5 डिसेम्बर: फैगो 14 डिसेम्बरखालि उदालगुरि दख'रा दुलाराइ बर' फरायसा आफादा सानसेनि गाव गोनां हाबाफारिजों दख'रा आफादनि 54 थि थान्दै जख'न्थाय हाबाफारिखौ दख'रा आफादनि बेन्दोंडव थानाय 1 नं सापखायथि गामियाव खुंनो थाखाय साखा-फारा खालामगासिनो। (□ 5 बिलाइआव)

कक्राझार आबाद बिज्ञान मिरुनि
बान्जायनायाव मुलुगनां हा सान फालिदों




गसाइगाव, 5 डिसेम्बर: कक्राझार आबाद बिज्ञान मिरुनि बान्जायनायाव दिने मुलुगनां हा सान फालिनाय जायो। कक्राझार

जिल्लानि गसाइगाव महकुमानि तेलिपाराआव थानाय आबाद बिज्ञान मिरुनि सावराय न'ब्लाडव मुलुगनां हा सानजों बिबुंथियाव बिथाड बुडेदि, (□ 5 बिलाइआव)

सोलोंथाइ गोनां लाइमोन आबादारिफोरा
कसुमबिलआव आदर्श गोनां आबाद मावना दिन्थिदों

गसाइगाव, 5 डिसेम्बर: जाय समाव खामानियाव थिसनजानायनि ओंखालाव राइज्योनि सोलों थाइ-रेंगथिगोनां खामानि गैथै सेंग्रा-सिखलाफोरा हालाय-हाफाय जानो गोनां जादों, बे समावने कक्राझार जिल्ला गसाइगाव



महकुमानि कसुमबिल गामिनि सेंग्रा-सिखला आरो माखासे खामानि गैथै लाइमोन (□ 5 बिलाइआव)

गौतम अडानीआ अरपतिफोरनि फारिलाइआव आवगयदौ

गोदान दिल्ली, 5 डिसेम्बर: दरथाम रायजोआव बि.जे.पि.नि गोबांधार देरहानायनि उनाव स्टक मार्केटआ रेकर्ड थाखोआव सौहैदौ। अडानी आरौ आम्वानी सौनेनिबो स्टक आ स्टक मार्केटनि जौगानायनि मुलाम्फा मोनगसिनो दड। गौतम अडानीआ थांनाय माखासै सानफोराव अदानीनि कम्पानिनि सेयारफोरनि बांनायनि जाहोनाव अरबपतिफोरनि फारिलाइआव दावखोदौ। बिथाड 70.2 बिलियन डलारनि गासै सम्फतिजौ अरबपतिफोरनि फारिलाइआव 16थि थावनियाव सौहैबाय। स्टक हाथाइ बांनायनिफ्राय मुकेश आम्वानीआबो मुलाम्फा जादौ। बिथानि सम्फतिया 966 मिलियन डलार बांनानै 90.4 बिलियन डलार जाहैदौ। बिथाड बे फारिलाइआव 13थि थावनियाव दं। ब्लुमबार्ग रियेल टाइम बिलियनेयर इन्डेक्सनि बायदिव्ला, गौतम अडानीनि सम्फतिआ सानसेआवनो 4.41 बिलियन डलार बांदौ। बेजौ लोगोसे बिथानि सम्फतिया बांनानै 70.2 बिलियन डलार जाबाय। से सप्ताहसो सिगां बिथानि गासै सम्फतिया 64.7 बिलियन डलारमोन, बै समाव बिथाड 22थि नम्बरआव दंमोन। बावैसो बिथाड टप-20 आव हाबदौमोन आरौ 19थि मासियाव सौहैदौमोन। दायो बिथाड 16 नम्बरआव सौहैबाय। बिथानि उनाव आमेरिकानि रब वाल्टनआ 69.3 बिलियन डलारजौ 17थि थावनियाव दं। गौतम अडानीनि गासै सम्फतियाव बे बांनाया अडानी युपनि शेयारफोरनि गोहोनि थाखाय जादौ। बिसायख थिनि फिथाइनि उनाव स्टक हाथाइ बांनायनि जाहोनाव अडानी युपनि



कम्पानिफोरनि मार्केट केपआ 12 लाख कौटि रॉनि खाथियाव सौहैदौमोन। 2023 मायथाइनि जागायजेन्नायाव हिन्डेनबर्गनि रिपर्ट ओंखारनायनि उनाव गिबि खेबनि थाखाय अडानी युपनि कम्पानिफोरनि मार्केट केपआ 12 लाख कौटि रॉसिम सौहैबाय। हिन्डेनबर्गनि फोरमायथिनि उनाव हानजानि कम्पानिफोरनि बाहागोफोरा जोबोद बाडइ जालांदौमोन।

ना हमग्राफोरनि जेआव नांदौ नैथि मुलुग दावहानि

कपेनहेगान, 5 डिसेम्बर: डेनमार्कनि द्वीप लेंलेन्डनि साखाथियाव नैथि मुलुग दावहानि समाव बाहायनाय थरसे बमा बोखांनो मोन्दौ। बे बमाखौ दैनिक्राय बोखांनो मोन्दौ। सुलुनि बादिव्ला, सासे ना हमग्राआ दैयाव ना सारनाय समाव जेआव गिदिर हाथियार नांथेनानै थांनायनि उनाव बे मुवाखौ नुनानै थाबैनो बिबानगिरफोरनो खौरं होयो। उनाव डेनिश दै सान्थिआ बमाखौ दैयावनो दोनफिनो आरौ बेयाव 10 कि:ग्रा: बेरफुग्रा चार्ज फोनांजाबानाँ होयो। बेखौ बाहायनानै बमाखौ जेना गैयालालसे



बेरफुहोने हायो। रैखाथि बिफाननि बादिव्ला, बमाया हा सानिक्राय 15 मिटर गहायाव दै सिडव बेरफुयो। बे बमाया 130 कि:ग्रा: लिरथायनिमोन। बेनि सिगां सिंगापुरआव नैथि मुलुग दावहानिबो बमा मोन्दौमोन। सिंगापुर सान्थिनि एकसपाटआ थांनाय 26 सेप्टेम्बरआव मोनसे कन्स्ट्रक्सनआव मोन्नाय 100 कि:ग्रा: बमाखौबो बेरफुहोदौमोन। खौरांथि बादिव्ला, बे बमाखौ

आमेरिकायाव थांनाय शार्टम फानग्रा हिन्डेनबर्ग रिसार्सआ अडानी युपआव गोबां दाय होदौमोन। बिनि उनाव, हानजानि बाहागोफोरा जोबोद बाडइ जालांदौमोन। हानजानि लस्टेडा कम्पानिफोरनि बाहागोआ 150 बिलियन डलार खमायदौमोन। एलन मास्क आ 220 बिलियन डलारनि गासै सम्फतिजौ ब्लुमबार्ग बिलियनेयर्स इन्डेक्सआव बयनिखुइबो गोजौसिनाव दं। जेफ बेज 'सआ 169 बिलियन डलारनि सम्फतिजौ नैथि थाखोआव दड। थामथि थावनियाव थांनाय बर्नलड' आल्टमेननि गासै सम्फतिआ 167 बिलियन डलार। बे फारिलाइआव मुकेश आम्वानीआ 13थि मासियाव दड, बिथाड 90.4 बिलियन डलारनि सम्फतिफोर दडं।

एन.एफ.आर.आ 2024 मायथाइसिमाव धनसिरि-जुब्जा रेल लाइनखौ आबुं खालामनो खोथा होदौ

कहिमा, 5 नभेम्बर: नर्थ इस्ट फ्रन्टियर रेलवे (एन.एफ.आर.) नि जेनेरेल मेनेजार चेतन कुमार श्रीबास्तबआ समबाराव नागालेन्डनि गिबि मन्थि नेफिड रिय 'नो खोथा होदौदि, मलभम आरौ फेरिमासिम धनसिरि-जुब्जा गोदान लाइन मावथांखिनि सोलिबाय थांनाय खामानिफोरखौ सेप्टेम्बर 2024 मायथाइसिमाव मोनफुं नाय जागोन। गिबि मन्थिजौ मोनसे मेलाव रायजोआव गुबुन गुबुन रेलवे मावथांखिफोरखौ मोजाडै आरौ गोरलैयै मावफुं नायजौ सोमोन्दो थांनाय आयदाफोरनि सायाव सावरायनाय जादौ। जेनेरेल मेनेजारार रिय 'नो खोथा होदौदि, सोलिबाय थांनाय रेलवे फोनांजाबनायखौ थि समनि गेजेराव मोननो हागोन। राइज्योनि बिबानगिरफोरनि खालायनाय बायदियै रेलवेआ मलभमाव मोनसे गुडस यार्डबो



जौगाहोगोन। जेनेरेल मेनेजारआ खोथा होदौमोनदि, एन.एफ.आर.आ गावसोरनि गोनांथि बायदियै रायजोआव रेल बिथायारि सानजथाइखौ जौगाहोगोन। नागालेन्डनि गिबि मन्थिया रेलवेजौ सोमोन्दो थांनाय जेनाफोरखौ सुखानो थाखाय रायजोआव मोनसे गोजौ थाखोनि कमिटि दानो एन.एफ.आर.नि खावलायनायखौ गनायना लादौ। कमिटिआ दानथामारि बिथायाव जिरायगोन। एन.एफ.आर.नि थांखिया बे

थाखोआव दं, जायनि थाखाय रादाय खानाया सिगानिफ्रायनो दं। मख 'जाथावदि, एनएफ आर आ 2022 मायथाइयाव नागालेन्डनि शखुवि रेलवे स्टेशनखौ बेखेवदौमोन, जाय दिमापुरनि उनाव रायजोनि नैथि रेलवे स्टेशन, जायखौ 100 बोसोरनि उनाव बेखेवनाय जादौमोन। भारतारि रेलवेनि जाननै एन.एफ.आर.आ गोबां गोदान रेलवे लाइन फोनांजाब मावथांखिफोरखौ मावफुंनानै सा-सानजा रायजोफोरनि सोलायनायाव मख 'जाथाव बिहोमा होगासिनो दड। सा-सानजा ओनसोलनि गासैबो रायजोनि राजथावनिफोरखौ हादोरनि गुबुन बाहागोफोरजौ फोनांजाबनो थाखाय गोदान रेलवे लाइनफोर लुनायखौ गोनांथि होनाय मावथांखि महरै आखायाव लानाय जादौ।

130 कि:ग्रा: बम

बेरफुहोनायनि सिगां खाथि-खालानि नख 'रफोरनिफ्राय 4,000 सुबुंफोरखौ गावबा-गावनि न'निफ्राय गुबुन जायगायाव लांनाय जादौमोन। पुलिसनि बादिव्ला, बेरफुयै हवाइ बमाखौ सिंगापुरनि बुकिट तिमाहआव मोन्दौ, जेराव मोनसे कान्डमिनियाम एबा कान्ड बानायदौमोन। पुलिसआ बेखौ गुबुन जायगायाव लाडोब्ला खेफोद जाजानो गिनानै सान्थिनि मददजौ बेयावनो सिलिंखार खालामो। बेराफार्से थांनाय आगस्टआव जामांनीनि डसेलडर्फ आव नैथि मुलुग दावहानि थरसे बमा मोन्दौमोन। बेखौबो पुलिसआ गोबां सांग्राथि लाखिनयनि गेजेरजौ बेरफुनायाव जाफुंसार जादौ।

सनानि बेसेनफोराव गिदिर सोलायनाय फैदौ

गोदान दिल्ली, 5 नभेम्बर: सनानि बेसेन बांबाय थांनायाव मोनसे ब्रेक नुनो मोन्दौ। मंगलबाराव फालांगियारि सनानि बेसेना 1,000 रॉनि बांसिन खमायनाय नुनो मोन्दौ। इन्डियान बुलियन एन्ड ज्वेलर्स एस 'सिपेशन लिमिटेड (आई.बी.जे.ए.) जौ दिहुनजानाय 24 केरेटनि सनानि बेसेना मोनफ्रोम 10 ग्रामआव 63,281 रॉ। 24 कैरेट सनानि बेसेना 10 ग्रामआव 64,300 रॉसिम सौहैदौ आरौ बेजौ लोगोसेनो रुपानि बेसेना 76,430 रॉ किल 'ग्रामआव सोलिगासिनो दं। जुलिनि बोथोरनि जाहोनाव नख 'रारि थाखोआव सनानि गोबां दाबि सिखांदौ। बेनि जाहोनाव



दिवालीनिफ्राय सनानि बेसेना गोखेथिजौ सोलिगासिनो दंड। जुलिनि बोथोराव बेयो गिबि खेब जेव्ला सनायाव एसेबा गिदिर गोलैनाय रेवगांथिनाय जादौ। भारतआव सनानि गहेनाया गिदिर थाखोआव मोनसे ट्रेन्ड। बेनि जाहोनाव जुलिनि बोथोराव सनानि गोनांथिया बांदौ। डलार इन्डेक्सआव लोरबांथि आरौ

आमेरिकायाव एसेल' बेसेन बांनायनि जाहोनाव सुदनि हार बांनायनि मिजिथिनाया बुहुमनाडै सनानि बेसेनखौ बांहोना खामानि मावदौ। गेजेर हायुआरि हाथायाव सनानि गहेनाया गिदिर थाखोआव मोनसे ट्रेन्ड। बेनि जाहोनाव 12.20 डलार मोनफ्रोम आउन्सआव बांनानै 2,054.70 डलार मोनफ्रोम आउन्सआव सौहैदौ।

No. BDB/Tender/46/2023-24/163 Date:05/12/2023

SHORT NOTICE INVITING TENDER

Sealed tender affixing a non-refundable Court fee stamp of Rs.8.25(Rupees eight & twenty five paisa) only with a validity period of 180 days which will subsequently to be converted and drawn up in the printed of F-2 form are invited from the registered contractors of class-I (A,B& C),Class-II & Class III category of Assam PWD (Roads & Building) and BTC according to their eligibility for submitting tenders for the works under Cultural Affairs Deptt. BTR under SOPD fund for the financial year 2023-24 as stated below. The tenders will be received by the undersigned up to 2.00PM on 27/12/23 and will be opened on the next date (as on 28/12/23) & place at 2.30 PM.

Sl. no.	Name of activity.	Estd. Value (in Lakhs)	Tender Value (in Lakhs)	EMD/Bid Security. (in Rs.)	Cost of Tender paper (in Rs.)	Pre-bid date and Time.	Last date & time of bid submission	Date & Time of bid opening	Time of completion of Work.
1.	Const. of Jwhlwao Nileswar Brahma Jousang at Borengajulikhati (Pipolholi), Suklai, Bhergaon	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
2.	Const. of Jwhlwao Nileswar Brahma Jousang at Khasibari Village Hanchara Bhergaon	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
3.	Const. of Jwhlwao Nileswar Brahma Jousang at 3 No. Bhutiachang, Nagachuba, Bhergaon	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
4.	Const. of Jwhlwao Nileswar Brahma Jousang at Nagrachara Bhergaon	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
5.	Const. of Jwhlwao Nileswar Brahma Jousang at Naobandhahabi, Atterekhat Bhergaon.	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
6.	Const. of Jwhlwao Nileswar Brahma Jousang at Gowsala, Suklai, Udalguri.	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
7.	Const. of Jwhlwao Nileswar Brahma Jousang at Jabangapathar, Bhergaon, Udalguri.	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
8.	Const. of Jwhlwao Nileswar Brahma Jousang at Mwkhnabari, Panishali, Udalguri	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
9.	Const. of Jwhlwao Nileswar Brahma Jousang at No.2 Dimakuchi, Bagrital, Bhergaon, Udalguri	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
10.	Const. of Jwhlwao Nileswar Brahma Jousang at Mazgami, Khasiachuba, Udalguri.	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
11.	Const. of Jwhlwao Nileswar Brahma Jousang at Dahalachuba village, Khasiachuba, Udalguri	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
12.	Const. of Jwhlwao Nileswar Brahma Jousang at No.1 Dimakuchi village, Udalguri.	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
13.	Const. of Jwhlwao Nileswar Brahma Jousang at Nagasuba/Thaigirbari, Udalguri	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month
14.	Const. of Jwhlwao Nileswar Brahma Jousang at Sikanibangla, Udalguri	10.00L	10.00L	10,000/-(for S/T,S/C) 20,000 (for OBC/General)	300	6/12/23	27/12/23	28/12/23	6 Month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 6/12/23 to 28/12/23 up to 1.30 PM. In the office of the undersigned on payment in the form of demand draft/bankers cheque from any Nationalized Bank, duly pledged in favour of the Principal Secretary, BTC Kokrajhar payable at Kokrajhar. The Contractor should attested copy of latest registration certificate, latest certificate of Income Tax and Sales Tax GST registration, Pan Card along with the tenders. In case the office remains closed on tender issuing/opening date the same will be issued/received/opened on the next working day without further notification(The successful tenderer has to be submit 1% (one p/c, in case of ST/SC) and 2% (two p/c, in case of General, OBC and Firm/ Enterprise). Earnest Money against the work in the form of PDR/Banker cheque/D. Draft from any Nationalized Bank duly pledge to the Block Dev. Officer, Bhergaon Dev. Block, Bhergaon as mentioned above at the time of allotment of work. The Block Dev. officer Bhergaon Dev. Block reserves the right of accepting of tender papers or outright rejection of the same without assigning any reason thereof.

Sd/-Block Dev.officer
Block Development Officer,
Bhergaon

IPR(BTC)-2023-24/890

No. UDB/Tender/01/2022-23/ Date: 04/12/2023

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paisa) only with a validity period of 180 Days which will subsequence to be converted and drawn up in the printed of F- 2 form are invited from the registered contractors of Class -II and Class -I (A,B, & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2022-23 as stated below. The tenders will be received by the undersigned up to 12.00 Noon on 28/12/2023 and will be opened on the same date & place at 2.00 PM.

Sl. No.	Name of work	Tender Amount (Rs In lakhs)	Cost of Tender Paper	Time of Completion of Work
1	Improvement of road with E/F & S/G from UT road (near PHE water tank) to Manipuri basti pucca road via Dwimu Nwgrw Church	10.89216	Rs.500.00	3(three) months from the issue of Formal Work Order
2	Const of community toilet at near Begapara St Mary Catholic Church under 15 ASFC	14.28912	Rs.500.00	3(three) months from the issue of Formal Work Order
3	Const of road with E/F & S/G from Kobirali PWD road to Sonari para Santhali chuba including 2 nos HPC	15.84313	Rs.500.00	3(three) months from the issue of Formal Work Order
4	Const of smart fencing boundary wall with Iron Gate at Sonapur Phururabari Bathou Thansali at Sapangaon VCDC	13.00	Rs.500.00	3(three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 04/12/2023 to 28/12/2023 in the office of the undersigned on payment. The contractor should submit attested copy of latest Registration certificate, labour certificate, latest Income Tax, GST Registration, PAN Card along with the tenders. In case the office remains closed on tender issuing/receiving/opening date the same will be issue/received/opened on the next working day. The successful tenderer has to be submitted 1% (in case of ST/SC/OBC) and 2% (in case of General category). Performance Security Deposit money against the work in the form of Demand Draft / Banker's Cheque only from any nationalized Bank duly pledge to the Block Development Officer, Udalguri Development Block, Udalguri as mentioned above have to be deposited at the time of allotment of work. The BTC authority reserves the right of accepting or rejecting the tender papers without assigning any reason thereof.

Sd/-Block Development Officer
Udalguri Development Block

IPR(BTC)-2023-24/887

No. BDB/Tender/46/2023-24/163 Date:05/12/2023

SHORT NOTICE INVITING TENDER

Sealed tender affixing a non-refundable Court fee stamp of Rs.8.25(Rupees eight & twenty five paisa) only with a validity period of 180 days which will subsequently to be converted and drawn up in the printed of F-2 form are invited from the registered contractors of class-I (A,B& C),Class-II & Class III category of Assam PWD (Roads & Building) and BTC according to their eligibility for submitting tenders for the works under Cultural Affairs Deptt. BTR during the financial year 2023-24 as stated below. The tenders will be received by the undersigned up to 2.00PM on 27/12/23 and will be opened on the next date (as on 28/12/23) & place at 2.30 PM.

Sl. no.	Name of activity.	Estd. Value (in Lakhs)	Tender Value (in Lakhs)	EMD/Bid Security. (in Rs.)	Cost of Tender paper (in Rs.)	Pre-bid date and Time.	Last date & time of bid submission	Date & Time of bid opening	Time of completion of Work.
1.	Const. of Pandal at Borengbari (Pipolholi), VCDC Paschimpatala	12.00L	12.00L	(for 12,000 ST,SC) 24,000/-(for OBC & General)	400	6/12/23	27/12/23	28/12/23	6 month
2.	Remaining works, Beautification, Decoration at No 2 Singribari Village Bathou Religious Centre, Udalguri	15.00L	15.00L	(for 15,000 ST,SC) (for 30,000/- for OBC & General)	500	6/12/23	27/12/23	28/12/23	6 month
3.	Const. of Cultural Stage at BodofaFwthar, Bhergaon, Udalguri	20.00L	20.00L	(for 20,000 ST, SC) (for 40,000/- For OBC & General)	600	6/12/23	27/12/23	28/12/23	6 month
4.	Const. of Cultural Stage at Dimakuchi/Barowari Durga Mandir, Dimakuchi, Udalguri	20.00L	20.00L	(for 20,000 ST, SC) (for 40,000/- For OBC & General)	600	6/12/23	27/12/23	28/12/23	6 month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 6/12/23 to 28/12/23 up to 1.30 PM. In the office of the undersigned on payment in the form of demand draft/bankers cheque from any Nationalized Bank, duly pledged in favour of the Principal Secretary, BTC Kokrajhar payable at Kokrajhar. The Contractor should attested copy of latest registration certificate, latest certificate of Income Tax and Sales Tax GST registration, Pan Card along with the tenders. In case the office remains closed on tender issuing/opening date the same will be issued/received/opened on the next working day without further notification(The successful tenderer has to be submit 1% (one p/c, in case of ST/SC) and 2% (two p/c, in case of General, OBC and Firm/ Enterprise). Earnest Money against the work in the form of PDR/Banker cheque/D. Draft from any Nationalized Bank duly pledge to the Block Dev. Officer, Bhergaon Dev. Block, Bhergaon as mentioned above at the time of allotment of work. The Block Dev. officer Bhergaon Dev. Block reserves the right of accepting of tender papers or outright rejection of the same without assigning any reason thereof.

Sd/-Block Dev.officer
Block Development Officer,
Bhergaon

IPR(BTC)-2023-24/889

मोब्लिब बाल्बखौ सरासन्त्रा सुबुंआ सोलायनो हायै हादतआ मा मिबथिगौना ?

जौनि जिउआव गोबां जाथाइ आरो सोलाय-सोल' जालाडो। नाथाय गोबां ओरैबायदि थासारि एबा जाथाइबो दड; जायखौ जौं उन्दै समनिक्रायनो बेनो बे नुबोदो। बिबिदयाव माखासेनि बागै जौं मिबथिनो नाजायोदि, मानो बिबिद जायो। फारसेथिं माखासेआ ओरैबायदि, जायखौ जौं हमदानानै लायो, नाथाय बेनि थि जाहोनखौ मिबथिया। उन्दैनिफ्राय जौं बिमा-बिफानिफ्राय आरो गुबुनफोरनिफ्राय नुनानै माखासे जाथाइ आरो बाथ्राफोरखौ गोरलैयैनो गनायना लायो। जौनि नख'शव मोब्लिब बाल्ब एबा गुबुन माबेबा मोब्लिबनि तार आरो सुइसफोरा गात्रि जायोब्ला बेखौ सोलायो। बाल्बआ फिउस थाडोब्ला नख'रनि सोरबा सासेयानो बेखौ सोलायनो खामानि मावो।



मानोना बे फिसा खामानिनि थाखाय इलेक्ट्रीशियानखौ मानो लिंहरनो आरो मानो रां बाहायनो। नाथाय दरसे हादत दड, जेराव बेबायदि खालामोब्ला आइननि बेंखनआव गोरलैनांनो हागौ। अनलाइन प्लेटफर्म करायव सासे इउजारआ सोंथि खालामदोदि, बबे हादतआव गावनि न'नि बाल्ब सोलायनायखौ होबथानाय जायो? बेनि फिन्नायाव

गोबांआनो जापानखौ बुंथियो आरो खायसेया अस्ट्रेलिया होन्ना बुडे। गोबां बाथ्रा बानबुंथि आरो तथ्यफोरखौ नोजोर होनानै फिन्नायखौ मोनो। बिसोरनि बायदिब्ला अस्ट्रेलियानि भिक्टोरियाआव क्वालिफाइड इलेक्ट्रीशियान एबा बेनि सोलौंथाइ लानाय रॉखानाय सुबुं नडब्ला मोब्लिबनि खामानिखौ मावनो हाया। मोब्लिबनि बाल्ब फिउज जाना गोदान सोनाय एबा फिउस सोना होनाय फिसा-

फिसा खामानियानो जायामानो, इलेक्ट्रीशियान एबा मोब्लिब बानायग्रा सुबुं नडब्ला रावबो बेखौ दांनो हाया। फारसेथिं बे खामानिखौ मावनो लाइसेन्सबो थाथारनांगोन। 1998 सिमाव एनाजि एक्टनि गेजेरजौं बे आइनखौ गोखोडे मानिना सोलिबोनाय जादो। माखासे रिपर्टनि बायदिब्ला, बे आइनखौ मानियाब्ला 10 अस्ट्रेलियान डलार (500) रां सिम जुरिमाना होनांगौ जायोमोन। अदेबानि आथिखालाव न'नि मोब्लिब बाल्बखौ नख'रनि सुबुंआनो सोलायनो हानाय जाबाय। नाथाय राइज्यो आरो फालांगियारि जायगाफोराव बिबिद खालामोब्ला गिदिर खौ फोदआव गोरलैयो, जर'खायै सोनाब अस्ट्रेलियाआव बिबिद खालामनायखौ गोखौ होबथानाय आइन दड।□

हाइ भल्टेज तारआवबो दावफोरा बायोब्ला मानो मोब्लिब सर्त नाडा, मिबथिनो गोनां बाथ्रा

जौनि सोरगिदिं जौं गोबां नुथाइ-जाथाइफोरखौ सानफ्रोमबो नुनो मोनो, नाथाय बेनि आन्दोनि जाहोनफोरखौ माब्लाबाबो नोजोर होया। नुफ्लेबाय थानायनि जाहोनाव जौं बेफोरखौ गनायथावै बायदिबो मोना। बेनि गोरलै मोनसे बिदिन्थि, जायखौ जौं सानफ्रोमबो खेबसे नड खेबसे नुनो मोनो। बेखौ लानानै जौं मोनसे सानो गोनां बाथ्राखौ फोरमायगोन। नो थाडाबो मोब्लिब तारआव दावफोरखौ बानानै थानाय नुबाय जानांगौ। मोब्लिब तारआव इसे नांज्रेदवानो सुबुंनाव मोब्लिब बोयोब्ला, दावफोरनाव मानो बोया। गिदिर-गिदिर जीब-



जुनातफोराबो मोब्लिबआव सौदावब्ला मोब्लिब बोना जिउ गोमायो। दावफोरा हान्जायैनो मोब्लिब तारआव बानानै जायगा बारस्लायना बिरद'-बाद'बो खालामो। नाथाय बेफोरखौ मोब्लिब बोनानै थैनाय नुनो मोना। बे बाथ्राखौ आबुडै मिबथिनो थाखाय मोब्लिबनि

खारनायनि नेम-खान्थिखौ मिबथिग्रोनाया गोनां थार। मोब्लिबआ तारनि गेजेरजौं फारसेनिफ्राय फारसेथिं मिडियामआव खारलाडो, मोब्लिबआ बै तारजौं खारलाडे जेराव मोब्लिब खारग्रा मुवाखौ होनाय जायो एबा मोब्लिब होबथारा मुवाजौं होथेनाय

जायो। मोब्लिबखौ मोजाडै खारहोलानो थाखाय तामाखौ बाहायनाय जायो। दावफोरनि देहायाव ओरैबायदि जिबिखिफोर आरो टिसु थायो, जाय तामानि तारआव होबथारा सोमजिखां होयो आरो मोब्लिबनि दाहारखौ होबथायो। बेखौ जौं बेनिफ्रायनो मिबथिनो हायोदि, दावफोरा मोब्लिबआव बायोब्ला माब्लाबाबो मोब्लिब बोया नाथाय दावआ जेब्ला मोब्लिब तारजौं लोगोसेनो हाजौं सोमोन्दोआव फैयो अब्लासो आर्थि सार्किट कम्प्लीट जागोन आरो दावखौ मोब्लिब बोगोन। सुबुंनि बिथिडवबो बिबिदो जायो।□

पुलिसआ सार्च वारेन्ट लानानै सौहैनायाव सुबुंनि न'आव बेरफुनाय जाथाय सोमजिदो

गोदान दिल्ली, 5 डिसेम्बर: आमेरिकानि ब्लुमन्ट ओन्सोलाव मंगलबारखालि पुलिसआ सासे सन्देह गोनां सुबुंनि हँथायै सार्च वारेन्ट लानानै थांदोमोन। बे समावनो हरखाबै गिखंथाव बेरफुनाय जाथाय सोमजिजो। जेब्ला पुलिसआ सुबुंखौ हमनो थांदोमोन अब्ला बियो न' सिंनिफ्राय पुलिसनि सायाव फ्लेयार गानजौं गुलि गावहरो, जायनि उनाव बेरफुनाय जाथाय सोमजिजो। बे जाथायनि भिडिअखौ ससेल मिडिया आरो खौयं बिजौंफोराव शेयार खालामनाय नुनो मोन्दो। जाथाया आमेरिकानि आलिंटन सहरनि ब्लुमन्ट ओन्सोलाव जादो। बेरफुनाय जाथायनि उनाव खाथि-खालानि सुबुंफोरखौ खुंथाया गुबुन जायगायाव थांनो बिथोन होदो। अदेबानि बेरफुनाय जाथायाव रावबो सुबुड जोखोम एबा जिउ खहा जायाखै होन्नानै खौराडव मिथिनो मोन्दो। आलिंटन काउन्टि पुलिसआ बुंदो, जेब्ला पुलिस बिबानगिरिआ सन्देह गोनां



सुबुंनि न'आव सिप्रोमनायनि वारेन्ट लानानै थांदोमोन अब्ला सुबुड न' सिंनिफ्राय गोबां गुलि गावहरोदो। बेनि उनाव न' सिडव बेरफुनाय जाथाय सोमजिजो। बे बेरफुनायनि जाहोनखौ मिथिनो पुलिसआ नायबिजिनयखौ जागायो।□

रंजालि गथ'फोरनि सौरा

सुबुंथिनि थान्दै

सुबुंथिनि थान्दै गेदेमा बिजाथि बिनेस्वर ब्रह्मनि सानसि आदर्स लोगोसे मावनायनि गोथां नेरसोनफोरा इयुन जौलैफोरनि थाखाय सुंघिखांजाथाव उजिनयजौं लोगोसे सुबुं समाजाव मावनायनि दिन्थिखाजौं माहारियाव आलारि बाथि फोजौंलांबाय गायसनलांबाय गोसोखांथिनि जुगामि खाम्फा हारि समाजनि बिबाननि बिबारि एमाव जोबथा हां हगारनायाव सुबुंनि सुफुंख ह्यि खहा जाबाय आरो थालांबाय एपिटाफनि हांखोआव गोथार सानसि गेदेमानि मावदिन्थि सोरां लामाजौं आगान फोलावना जेब्लाबो सुबुं समाजा दावगालानो हाथौं आरो आंखाला अराय बुहुमाव सुबुंनि समान जाथौं मिजिं थिबाय।

-सबिराम बर' राबां, बागसा

नांगोल

सोर महर होजेननाय आंखौ? आदि आबादारिनि थुंघि, दैज्तां, मेसें हेफाजाबाव आनि मावो आबाद आबादारिनि फोथारनि। मोनदो आं जोनोम आबादारिनि आखायाव जिउ दंमोन आंहा जेब्ला फांसे बिफां महराव, फोथारनि आबाद मावनाय एवखुयो आं हा दुब्लिनि। सुबुंआ जेब्लानिफ्राय आबाद मावजेनदो अब्लानो बुहुमाव आं जोनोम मोनदो, फोथारनि जोहोलाव आं जाय दैज्तां, मेसें दावहा नाडे आबादारिजौं लोगोसे आं। बुब्लियानो सोलायबाय जेब्ला आनि महराबो सोलायखागोन अब्ला, नुनायाव आं नांगोलनि महर नाथाय, जाबाय सोलेरा आनि लहानि महर। दानि गोदान मुगायाव मोनबाय आं जोनोम ट्रेक्टर, मेसिननि महराव, सोलेरासो सोलायदो आनि नागरनो हायाखै मावनाय खानथिखौ आनि। नेवसिदोबा जुदि आंखौ सुबुंफोरा मोननाय नड बोथोरनि मोजां आबाद र'सा नांनांगोन उदै मोनसेनि थाखाय हानाय नड सुफुंनो नखरनि आंखाल। थारेनो आं आबादारिनि गंसे थुंघि बादि मोनबाय आं मुं आबादारिनि खुगानिफ्राय आबादथिनि आं गंसे नांगोल थेवबो गोसोआव जाखाडे सोंथि सोर महर होजेननाय आंखौ? सोर बुंजेननाय आनि मुंखौ नांगोल?

-जौंसार बसुमतारि 6 नं सानतिपुर, गहपुर

मिथिंगा

बे बुहुम बिखायाव गोजौं गाहाय हायेन, मिथिंगा बिखायाव जैरेबो सोरगिदिं बेंखननाय। नायोब्ला बेसे समायना बे मिथिंगाया, जैरेबो दैमा, दैसा, जिरि जिरि बोहैबोनाय। बिफां लाइफांआव बाना दाउसिन दाउलाया मेथाय रोजाबसै गोसोनि हाबिलाया रिखांफैसै अरायबो दाउसिन दाउलानि मेथाय खननाया। बे बुहुम मिथिंगायावना, गोसो खुसियै, गथ-गथाया रंजाबावदो लावखार गथफ्रा मैसोनि बिखुआव गाखोना सिफु सुनानै मिथिंगा बिखायाव रिसारहोदो। नाथाय अरायबो गोजोनें मानसि माहारिआ बे मिथिंगायाव आलो गोजोनें रायजो जादो अरायबो गोसोनि हाबिलाया बेरखांफैदो नाथाय गोजोनो खौसेयै थालायदो। बेरे सिखिरिया, बिबाराव बिदै सोबदो, नाथाय बिसोरनि गोमो गोथां गाबा मिथिंगायाव समायफलेदो नाथाय जैरेबो बिफां लाइफां, हाजो-हायेनजौं बे मिथिंगा बिखाया समायफलेनाय।

मुसि असिन्त बसुमतारि गामि-खासापुर हालां बाजार।

आं दा बिरनो हाया

मायानि जेयाव नांनो आं दा बिरनो हायाखै, सांप्रेमा बिथिनाय हराव मानोबा बागदाव बासि गोरबो सिमांफोरा मोनसेनि उनाव मोनसे बायफलेनायाव दिनेबोदि गोदाने सिमानि जोनोम जायो हरफोरा गोबांद्राय नंआबाबो सिरि जानायाव मानोबा गोरबोआ गिखानाय मोनो जेन मानिबा इसाराया आंखौ समखिखांहोयो। दिने नुफेरे सिमांफोरा मोखथांजौं जुजियो बियोबोदि जिउनि मोनसे सल' जागोन गोरबोआ बुंओ एमब्रा-एमब्रा खारदिनाय समजौं लोगो जाफानो नाथाय हाथासि गोसोआ हांखुर जामालाय बारसिनो हाया दिवा-दिवा लामानि अरनबारि फाबजौं सुनसिनाय बेबो आनि मोनसे सम जानांगो बेनिखायनो गोबांवार फेलें जानायनि उनावबो आं दिनेसिमबो बे जेनिफ्राय बारग'नो हायाखै!

-अनजलि सर्गियारि बाक्सा

सानरेब

जौंबाय था नो अखोरं बिखानि थरसे गोजौं अलंबार जाना। होलांबाय था नो थार बिहोमा गोथार थुलुगानि नेरसोन जाना। अननायनि गोदौं गारांजौं लुफावफै नोनि गोरबोनि फिथिखा। बाइहाजार माहारिनि गेजेराव नो उनफिनना थानो दालुबै। रैखागिरिनि आंखाल जायोब्ला सिखांनो दाबाव बिखा फोरदानना।

-निजोम बर' पश्चिम पानेरि, अदालगुरि

टेद्राकटिस खन्थाइ

जाय थुनलाइ समाजाव मोजां मावो हरदम बिलियाव गोसोखां जागोन जाय गोथां बिलियाव मोजां मावो थैनायनि उनाव अरायबो गसाइ जाय गसाइ बादिनो सिबि जादो थुनलाइनि मावथि जोहोलाव थाखाय फे बयबो थुनलाइनि गायामायाव ब्रजेन्द्र कुमार ब्रह्म बादिनो फे संप्रा सिखलाफोर जौंबो जानि ब्रजेन्द्र कुमार ब्रह्म बादिनो फे संप्रा सिखलाफोर खन्थाइ रेबनि ब्रजेन्द्र कुमार ब्रह्म बादिनो

-रैदोम बर', माजदिया, बगुलामारि, बाक्सा

No.TECH-05/SE(B)/E-Tender/2021-22/P1-1/56 Dated Kokrajhar the 04/12/2023

Tender No. 528 of 2023-24
PRESS NOTICE INVITING TENDER

The Superintending Engineer, PWD Kokrajhar Building Circle, Kokrajhar on behalf of Governor of Assam invites bids from approved and eligible Contractors registered with Public Works Department (Building), Assam/Contractors registered with Bodoland Territorial Council in the category of Class-I (A, B & C) & Class-II for 4 (Four) Nos. of works with a bid validity of 180 (one hundred eighty) days from the date of opening of the tender.

Sl. No.	Package No.	Name of Work	Approx. Value of Work (Rs)	Time of completion	Bid security (In Rs)	Tender processing fee (Rs.)
1	528_1	Construction of New parking Shed at Administrative Building and Academic Building at Bineswar Brahma Engineering College Campus, Kokrajhar under SOPD-G during the year 2023-24	91,91,203.00	06 (Six) Months	1,84,000.00 for General & 92,000.00 for Reserved Category	1900.00
2	528_2	Construction of Hospital Building (Assam Type) at Bineswar Brahma Engineering College Campus, Kokrajhar under SOPD-G during the year 2023-24	59,41,933.00	06 (Six) Months	1,20,000.00 for General & 60,000.00 for Reserved Category	1200.00
3	528_3	Construction of Gossaigaon College Auditorium under Untied Fund for the year 2022-23	49,99,164.00	06 (Six) Months	1,00,000.00 for General & 50,000.00 for Reserved Category	1000.00
4	528_4	Vertical Extension (1 st Floor) of Brahma Atithi Bhawan (3 rd Storied Provision) of Ground Floor & Painting at Subashpally, Mahesh Mandir Lane Kokrajhar, BTC, Kokrajhar	36,09,777.00	06 (Six) Months	72,200.00 for General & 36,100.00 for Reserved Category	1000.00

Details may be seen at website <http://assamtenders.gov.in> and also in the office of the undersigned during office hours.

The Press Notice will be a part of the Bidding Documents.

Note:

- N.I.T Value is inclusive of GST, Labour cess etc.
- Pre-Bid Meeting will be held on 14.12.2023 at 11.00 A.M. in the office chamber of the undersigned.
- Bid submission closing date 26.12.2023 upto 1.00 P.M.

Sd/-
Superintending Engineer, PWD,
Kokrajhar Bldg. Circle, Kokrajhar

IPR(BTC)-2023-24/886

मुद्देबारि बिटिसि बियाबनि नाप्तिपारा भिसिडिसिआव इउपिपिएल दोलोया एमजिएनरेगानि मोन्थाम बिथांखि बेखेवदों

कलाइगाव, 5 डिसेम्बर: प्रमद बर' दैदेन्याय बिटिसि सरकारा इउपिपिएल दोलोनि दोलोयायि मावथिफोरखौ लानानै जौगाथायनि खौरा लोबोदों। मख'नो गोनादि, 17 बोसोर हाग्रामा महिलारीनि बिपिएफ सरकारा सहैनी हायै 35 नं मुद्देबारि बिटिसि बियाबनि गोथौ गामि ओन्सोलाव एमजिएनरेगा बिथांखिनिया गंफ्रोमबो भिसिडिसिआव जागायजेन्दों। बेबायदिनो मैया 35 नं मुद्देबारि बियाबनि नाप्तिपारा भिसिडिसिआव नाप्तिपारा सान्जा कलाइगाव दख'रा बाथौ मन्दिर लांगोना फोजौखानाय, जाम्फेनि स्तुं आरो 2 नं कलाइगावनि आदर्स गामियाव लामा जौगाथाय बिथांखिखौ बेखेवनानै होयो। बाथौ मन्दिर लांगोना



फोजौखानायखौ बेखेवनानै होयो सान्जा कलाइगाव दख'रा बाथौ महासभानि आफादगिरि मंलु कछारीआ आरो लामा फोजौखानायखौ बेखेवनानै होयो फारिये मुद्देबारि बियाबनि टिसिएलसिसिनि लेडाइ आफादगिरि मूकन स्वरगियारीजों लोगोसे नाप्तिपारा भिसिडिसिनि लेडाइ आफादगिरि जयन्त बसुमतारिआ। बे हाबाफारियाव मुद्देबारि ब्लक इउपिपिएलनि आफादगिरि पबित्र बसुमतारिआ बाहागो लायो।

खैबर पख्तुनख्वा राइज्योआव आइइडि बेरफुनायजों सा 3 गथ'फोर जोखोम जादों

इस्लामाबाद, 5 डिसेम्बर: पाकिस्ताननि खैबर पख्तुनख्वा राइज्योआव मंगलबारखालि मोनसे आइइडि बेरफुनाय जाथायाव सा 3 गथ'फोरजों लोगोसे सा 4 सुबुफोर जोखोम जादों। सुलुनि बादिब्ला, बे बेरफुनाय गंसे फरायसालिनि साखाथियाव फुनि 9.10 रिगायव जादों। बेरफुहोनी थाखाय लामा सेरनि सिमेन्ट ब्लकआव दोन्याय 4 कि:ग्रा: लिरथायनि बेरफुग्रा मुवाखौ बाहायनाय जादोंमोन। उन अखरबारआ वारसाकनि पुलिस अफिसर अशद खाननि बादिब्ला, बेरफुनायनि सुलु मोन्याय लोगो लोगोनी पुलिस आरो रेखाथि हान्जाखो जाथायथिलिआव दैथायहरनाय जादों। सुलुनि बादिब्ला, 7 निफ्राय 10 बोसोर बैसोनि



जोखोम जानाय गथ'फोरखौ गंसे गावयारि देहा फाहामसालिआव थिसन्याय जाबाय। देहा फाहामसालिनि बिबानगिरिआ मिथिहोनाय बादिब्ला, सौने गथ'फेरनि थासारिआ जोबोद गोब्राब जादों। खानआ फेरमायदोंदि, पुलिसआ खाथि-खालानि ओन्सोलफोरसव नार्यबिजरनाय अभियान सालायदों। बिथाड मिथिहोदोंदि, बेरफुनायाव बोखानो मोन्नाय एलिमेन्टफोरनि सायावबो नायबिजरनाय जादों। बावैसो समाव पाकिस्तानआ गुबुन उतरखारि फंसथानफोरनि गेजेरजों सामलायजानाय उतरखारि हाबाफोरनि दोहौजों गोहोम गोप्लैदों।

(1 बिलाइनिफ्राय)

मिशन बसुन्धरा 2.0, गेलेमु गौमा, हारिमुवारि जांखिथाइ, रेशन कार्ड, हा-हुनि फान्नायनि ...

मन्थिआ मुलाम्फायारिफोरनी पात्ता बायदिनि फोरमान बिलाड, जाहाथे थाबेनो गथायनो हायो बेनि थाखाय मिशन बसुन्धरा 2.0 जों लोब्बा गोनानां गोनार्थिनि खामानि-दामानिफोरखौ गोखे आबुं खालामनो जिल्ला बेंगिरिफोरखौ बिथोन होयो। गिबि मन्थिआ बुंदोंदि, मिशन बसुन्धरा 2.0 निफ्राय नागरलानाजनाय केसफोरखौ मिशन बसुन्धरा 3.0 जागायजेन्यायनि उनाव फिन बिजरनाय जागोन। बिथाड राइज्योआव आदार रेखाथि आइनि सिडाव फोनानांजाबनाय उफ्रा 40 लाख मुलाम्फायारिनि थाखाय रेशन कार्ड थियारि खालामनायनि हाबाफारिखौ गोखे खालामनो जिल्ला बेंगिरिफोरखौ बिथोन होयो। जथुमाव गिबि मन्थिआ राइज्योआरि थाखोआव खुंजानो गोनानां गेलेमु गौमा आरो हारिमुवारि जांखिथायनि सोमोन्देआव जिल्लाफोरव सोलिबाय थानाय सिगांनयनि सोमोन्दे मिबथिना लायो। बिथाड बाहागो लागिरिफोरखौ हाबाफारियाव बाहागो लानाय समाव जर'खायै जोखोम जानायनि बिथिडव नांगोबायदि हेफाजाब होनी थाखाय जिल्ला बेंगिरिफोरखौ बिथोन होयो। बे हाबाफारिया राइज्योनि सेंग्रा-सिख्लाफोर गावसोरनि रेंगथिफोरखौ दिन्थिन्यायनि थाखाय मोनसे मोजां जौसां गथायगोन होन्ना गिबि मन्थिआ फोथायथि होदों। कामरुप नोगोरमा जिल्लायवाव बावैसो सोमजिनाय हानि फान्नाय आरो नामजारिनि नंखाय सोरजिनायनि सोमोन्देबो जथुमाव सावरयज्जलायनाय जादों। जिल्ला बेंगिरिफोरखौ गावसोरनि मावखुलियाव जर'खायै गावसोरनि सिडाव साब-रेंजिस्ट्रार मावखुलिफोरनि खामानिफोरनि सायाव गोखों नोजोर होनी गिबि मन्थिआ बिथोन होदों। बिथाड जिल्ला बेंगिरिफोरखौ गाव-गावनि जिल्लायवाव हा दखल खालामनाय आरो फान्नायनि मुंखौ नंखाय सोरजिनायनि हेंथायै गोखों थांखि आजावना लानो बिथोन होयो। जथुमाव गाहाइ नेहाथारि पवन कुमार बरठाकुर, लेडाइ गाहाइ नेहाथारि रु बरि कता, सुमिर सिन्हा, बिस्वरञ्जन सामाल मोनजों लोगोसे गोजौ थाखोनि बिबानगिरिफोरा बाहागो लाफेदों।

तामुलपुरनि पातकिजुलियाव बिपिएफ दोलोनि 1 8थि गायसन्थाय सान फालिदों

आफादगिरि मासि सामलायदों दरडजुलि ब्लक बिपिएफनि आफादगिरि पकरुहिन आहमेदआ। मेलआव तामुलपुर बियाबनि बारा' एमएलए इमानुवेल मुसाहारिआ बिटिसि जौगानायनि बिथिडव बिपिएफ दोलोनि बिथाव, सुबुफोरजों मोजां मोनजानाय आरो सरकार दानायनि गोनांथिनि सोमोन्दे गुवारे बिबुंथि होनायजों लोगोसे थानाय समफोरव बिटिसिनाइ बिपिएफनि खुंथाइनि समाव माखासे जौगाखानाय खामानि-दामानिनि बाश्राफोरखौ मख'नानै फैगो सानफोरव गुबुन गुबुन रावयारि, हारि जनगस्टीजों जुथाय बिटिसिनाइनि राइजो-राजाफोरनि अन्साइनायाव बिपिएफ दोलोआ फिन सरकार दानानै राइजो-राजाफोरनि सिबिथाइ होगोन होन्नाबैबो बुडे। दिनेनि मेलआव गोदादने बिपिएफ दोलोआव हाबफेनाय इउपिपिएल दोलोनि बारा' गोखों दैदेनगिरि जिवन मुसाहारि, बारा' आसुनि दैदेनगिरि गबिन्द सरनिया, बिपिएफ दोलोनि मिरु नेमखान्थि थि खालामग्रा आफाद सुंद'थि एमबिनि दैदेनगिरि डा: रहिबियान इसओवारिजों लोगोसे तामुलपुर जिल्ला बिपिएफनि माखासे दैदेनगिरि-मावफारियाफोरा बाहागो लाफेदों।

1 4 थि सिनियर हौवा आरो हिन्जाव माहारियारि चकबल सेम्पियनसिप 2023 आ खुंफुंजाबाय

हौवा दालाइयाव गवा हान्जाखौ फेजेनानै पान्जाब हान्जाया सेम्पियनसिपखौ देहासारनो हायो। मख'नो गोनादि, गवा हान्जाया 31 पइन्ट मोन्नी हानायनि सोलायै पान्जाब हान्जाया 76 पइन्ट मोन्नी हानानै गवा हान्जाखौ 37 पइन्टनि फारागथिजों फेजेनो हायो। गुबुन फार्सेथि, आइजो दालाइयाव आमासआ पान्जाब हान्जाखौ फेजेनानै सेम्पियनसिपखौ देहासारनो हायो। मख'नो गोनादि, आसाम हान्जाया 29 पइन्ट मोन्नी हानायनि सोलायै पान्जाब हान्जाया 27 पइन्टल' मोन्नी हायो। रायखानो गोनादि, बे बादायलायनायजों लोब्बा लाखिनानै गांसे गोसोखाथि बिजाब बेखेवनाय जायो। थुंगे हाबाफारियाव गाहाइ आलासि महरै बिटिसिनि गेलेमु बिफाननि मावफुं सोद्रोमा दाडबायसा बर'आ गोसोखाथि बिजाबखौ बेखेवनानै होयो। गुबुन फार्सेथि, दिनेनि थुंगे हाबाफारियाव भारतयारि चकबल फेडरेसननि गाहाइ नेहाथारि रश्मि भिज, आसाम कचबल आफादनि आफादगिरि रु शंकर ज्यति बसुमतारि, गाहाइ नेहाथारि अशक गयारी, बान्जाय आफादनि आफादगिरि एमएलए लरेन्स इस्लारीजों लोगोसे गोबां गामि गेलेगिरिफोरबो बाहागो लायो।

कक्राझार आबाद बिज्ञान मिरुनि बान्जायनायाव मुलुगनां हा सान फालिदों

आबदारिफोरा आबाद फोथारिनि हाखौ जिब गोनानां खालामनानै लाखिनानै। बेनि थाखाय हायाव थानाय जिउसाफोरखौ फोथानानै लाखिनानै। हायाव थानाय हासारखौ रेखाथि होनी थाखाय जिउसानि गोनांथि जायो। बांसिन रासायनिक हासार बाहायनि गेजेरजों हायाव थानाय हासारआ बाडाइ जालाडे। बे बायदिनो हायाव दै जगायनायबो गोनांथार आयदा होन्नाने बिथाड बुडे। बे सांग्राथियारि मेलव बिटिसिनि आबाद बिथोनगिरि फनिन्द्र ब्रह्मआ बाहागो लानानै भारत सरकारआ आबादारिफोरनि थाखाय आजावनाय बायदि बिथांखिजों लोगोसे गाहाइ मन्थि आबादारि सिंचाइ बिथांखिनि मुंलाम्फानि सोमोन्दे गुवारे फोरमायथिनानै होयो। बिथाड बुडेदि, आबादारिफोरा आबाद फोथारिनि हा आरो देखौ सरैखाथि होनायनि बिथिडव गोनांथि होनांगो। आबादारिफोरा आबाद फोथारव दैन हा हा खालामनो थाखाय सरकारि बिथांखि मावफुंदों आरो बे बिथांखिनि गेजेरजों आबादारिफोरा गोबां मुलाम्फा मोन्नी हादों। गुबुन फार्सेथि, आबाद फोथारव रासायनिक हासार बाहायनायनि बिथिडव सांग्रां जानो थाखाय बिथाड आबादारिफोरनिमिसि खालायहरो। बिथाड बुडेदि, बांसिन रासायनिक हासार बाहायनायनि जाउनाव हायाव थाखानाय हासारफोरा बाडाइ जालानो हमदों आरो हासार हानि दिहुन्थाय गोहोयाबो बाडाइ जालानो हमदों। बे सांग्राथियारि मेलव जथाय आबाद बिथोनगिरि स्वमेरुप्रसाद बर्मा, उफ्रा जिल्ला बेंगिरि अमृता दत्त, गसाइगाव आबाद नायदिगिरि सिराजुल हकआ हांस्त्रायजानाय आलासि महरै बाहागो लायो। गासै सा 500 निबो बांसिन जाखांफुनाय आबादारिफोरा बाहागो लानाय बे मुलुगनां हा साननि गाहाइ आयदा महरै 'हा आरो दै जिउनि फुंछा'नि सायाव गोनांथि होनानै सानै जाखांफुनाय आबादारि दतमानि थागिरि प्रनय नाजरी आरो कसुगाव बर'पुरनि थागिरि प्रियंका नजरीखौ बरायनानै मान बाडनाय जायो।

(1 बिलाइनिफ्राय)

पर्वतझरायाव गेदेमा थुनलाइगिरि ब्रजेन्द्र कुमार...

जिल्ला बर' थुनलाइ आफादनि बानजायनायाव 4थि खन्थाइ सान फालिदों। हाबाफारि बायदिथै फुंबिलि समाव आफादनि फिरफिलाखौ बिरहोयो टिपकाइ गुदि बर' थुलाइ आफादनि आफादगिरि प्रथाप कुमार ब्रह्मआ आरो खोसोखां मुंखलं खाम्फायाव बिबार बावजेनो पर्वतझरा जिल्ला बर' थुनलाइ आफादनि गाहाइ नेहाथारि निरजन नाजरी। हाबाफारि बायदिथै सानजौफु समाव मोनसे मेहेरगोनानां गेवलां मेलबो लानाय जायो। बे मेलखौ सामलायो पर्वतझरा जिल्ला बर' थुनलाइ आफादनि गाहाइ आफादगिरि अम्बिकागिरि हाजवारिआ। बे मेलव मेल बेखेवगिरि महरै नुजाथिफेन्यो एम.ए. समेस्वरी बान्था मोनगिरि प्रमद कुमार ब्रह्म बिथांआ। लोगोसे बाहागो लाबावयो बारा' एम सि एल ए जतिन्द्रनाथ ब्रह्मजों लोगोसे साहित्य एकाडेमि बान्था मोनगिरि जिनल कुमार ब्रह्म बिथांजों लोगोसे गोबां मेलेमजिबि आरो राइजो-राजाफोरा बाहागो लाफेनानै मेहेरगोनानां खालामफेयो।

जमदुवार बियाबाव बिटिसि सरकारनि बायदि सुबुं ..

बियाबनि टिसिएलसिसिनि लेडाइ आफादगिरि निथुन्जय बसुमतारिआ दैदेन्याय बे हाबाफारियाव गसाइगाव महकुमा आबाद बिबानगिरि अशिम शक्तिया, आबाद जौगाखानां बिबानगिरि सुनिता दत्त, जुनात फाहामथाय बिबानगिरि डा: पल्लव बर, कसुगाव लोगो खोन्दे जौगाखानां बिबानगिरि दैमालु ब्रह्म, लोगो इन्जिनियर एम मजुमदारजों लोगोसे गुबुन गुबुन बिफाननि बिबानगिरि-मावफारियाफोरा बाहागो लायो। मख'नो गोनादि, बिटिसि सरकारनि अमा मिशन, माचरुम मिशन, अन्साय बिथांखि, बिमा अन्साय बिथांखि, सुपार 50 बायदि गासै मोन 38 बिथांखिनि सोमोन्दे बे सांग्राथियारि मेलव अडिअ भिजुवेलनि गेजेरजों बाहागो लानाय गुबुन गुबुन भिसिडिसिनि आफादगिरि-नेहाथारि आरो सोद्रोमाफोरजों लोगोसे बिजेपि-इउपिपिएलनि मावफारियायनि सिगाडाव दिन्थिफुनाय जायो जाहाथे सोद्रोमा-मावफारियाफोर बे सुबुं अन्साय बिथांखिफोरखौ राइजो-राजाफोरनि गेजेरव लानो हायो आरो सांग्रां खालामनानै राइजो-राजाफोरनी मुलाम्फा होनी हायो।

उदालगुरि दख'रा एबसुनि 54 थि थान्दै जख'न्थायनि ...

एबसुनि 54 थि थान्दै जख'न्थाय हाबाफारिजों लोब्बा लाखिनानै 1 नं सापखायथि गामि आफादनिफ्राय दानानै होजानाय बान्जाय आफादया हाबाफारिखौ मेहेर गोनाडे खुंफुंनो थाखाय दिने गाहाइ खुन्थियाखौ गायसन्थाय जायो। दिनेनि गाहाइ खुन्थिया गायसन्थाय हाबाफारियाव उदालगुरि दख'रा दुलाराइ बर' फरायसा आफादनि आफादगिरि आरो गाहाइ नेहाथारिजों लोगोसे बान्जाय आफादनि सोद्रोमा आरो गामिनि गोबां मेलेमजिबि, फुंछा सुबुंफोरा बाहागो लायो। दख'रा आफादजों लोगोसे बान्जाय आफादनि मावथि सोद्रोमाफोरा मिथिहोनाय बादिब्ला, फेगौ 14 डिसेम्बरखालि खुंनो लानाय एबसुनि 54 थि थान्दै जख'न्थाइ हाबाफारियाव गाहाइ बेखेवगिरि महरै बाहागो लानानै मिरु बर' थुनलाइ आफादनि गाहाइ नेहाथारि निलकान्त गयारिआ हाबाफारिखौ बेखेवनानै होगोन होन्नाने मिथिहोदों। लोगोसे बे सानखालि बर' हारिनि माहारियारि सान्थौखौ लानानै दख'रा आफादनि बेंखनाव थानाय गंफ्रोमबो गामिनिफ्राइ मेलेमजिबि राइजो-राजा आरो फरायसाफोरबो हाबाफारियाव बाहागो लाफेनानै हाबाफारिखौ मेहेर गोनानां खालामफेगोन होन्नाने दिनेनि गोथार हाबाफारिनि गेजेरजों मिजिथिन्याय फोरमायो। लोगोसे उदालगुरि दख'रा आफादा बर' माहारिनि थाखाय फेबाय थानाय समाव मावनो लानाय माखासे थांखि-हाबाफारि आरो बिथांखिफोरनि सायाव बे हाबाफारियाव गोथौयै सावरायनाय जागोन होन्नाने मिथि होदों।

बासुगावआव श्रिश्रि ठाकुर ...

समाव आर'ज खालामनाय, जुथाय नामजप, भजन-किर्तन, श्रिथ्रि ठाकुरनि सावगाखि लानानै गेदेत लामा हान्जा सुरनाय हाबाफारिखौ फुनि समाव खुंनये जागोन। सान्जोफुआव धोरमारि मेल आरो वेलासिआव माथि सर्मिलन, सिगातान्जली, मोनाबिलिनि आर'ज, बान्था रणाय मेल आरो फोबों थुंगेनाय हाबाफारि खुंनय जादों। मख'नो गोनादि, गोथार जोनोम सानखौ लोब्बा लानानै फेगौ 3 डिसेम्बरआव सावगाथि बोनाय बादायलायनाय खुंनय जागोन। हाबाफारिखौ मोजाडे जाफुंसार जासे खुंनो थाखाय सुरेस शिलखौ आफादगिरि, अरुप कुमार चन्द्रखौ लेडाइ आफादगिरि, राजु बिस्वासखौ नेहाथारि, प्रताप शर्माखौ लोगो नेहाथारि, बरुन बर्मनखौ रंगिरिनि अनगायैबो एसपिआर देवब्रथ शर्मा, उमेश ब्रह्म, ब्रजेन्द्र नारायण राय, उमेश बसुमतारि, एडिजे प्रबिब कुमार देब शर्मा राय, जेके बाल्लु बर्मन, चानक्य प्रधानी, सन्धु राजबंसिमोनखो बोसोनगिरि महरै लाना आथिखालव मोनसे गोखों बान्जाय अजबद दानाय जाबाय।

(1 बिलाइनिफ्राय)

मानास माहारियारि पार्कनि नारायणगुरि लावखार ओंखाम जाग्रा जायगाखौ बेखेवबाय

बायदिथै बेखेवना होयो बिटिआरनि मावफुं सोद्रोमा धनन्जय बसुमतारिआ। 'आगुनि आसाम सरकार आरो बिटिसि सरकारनि सानाव मानास माहारियारि पार्कनि जौगाखानायनि बिथिडव आरो मोजां मोन्जानायनि बिथिडव जर'खा थांखि आजावनानै लायाखेमोन। नाथाय बिजेपि दैदेन्याय सरकार आरो आथिखालनि बिटिसि सरकारआ वर्ल्ड हेरिटेज साइट मानास माहारियारि पार्कखौ मुलुगनि गेजेरव बांसिनथारि समाइना, मोजां जायगा महरै सोरजिनो थाखाय जर'खा थांखि आजावना लादों। आथिखालनि सरकारनि सामलाइथायाव आरो मानास माहारियारि पार्कखौ मोजां मोनग्रा राइजो-राजा, दोलो-आफाद, मिथिगा मोजां मोनग्रा अन्साइयारिफोरनि हेफाजाबआव माहारियारि पार्कआ मुलुगनाडेनो समाइना जायगा महरै सोरजिजादों।' -बेबायदि बिबुंथिखौ बिटिआरनि मावफुं सोद्रोमा धनन्जय बसुमतारिआ दिने वर्ल्ड हेरिटेज साइट मानास माहारियारि पार्कनि गाहाइ हाबग्रा गेट बासबारि रेन्जनि साखाथियाव थानाय नारायणगुरियाव 2023-24 माइथायनि लावखार ओंखाम जाग्रा जायगाखौ बेखेवनानै होदों। बिटिआरनि मावफुं सोद्रोमा धनन्जय बसुमतारिआ बुंवावदोंदि, जों जिउ खानाय समाजआव मोजां सानआ सोलिगासिनो दड। गोजोन खौसेथिआ सोलिगासिनो दड। बेनि थाखायनो मुलुगनि गेजेरव समाइना मानास माहारियारि पार्कसिम गुबुन गुबुन ओन्सोलनि सुबुंफोरा फेनानै लावखार ओंखाम जाग्रा जायगायाव गोजोन थासारिजों बोथिसे ओंखाम जानानै गोजोन्नाय लाफेयो। लावखार ओंखाम जानायनि मुडव जायगायाव जौ लौनाय, ड्राग्सजों लोगोसे निसा जाथोनि मुलियारि जानाय-सोबनयनि थासारि, दावराव-दावसि सोमजिनाया बन्द जानांगो। बेनि थाखाय गासैबो थाखोनि सुबुंफोरा सांग्रां जानाय गोनां। जेरव लावखार ओंखाम जानायनि मुडव जौ लौनाय, निसा जाथोनि मुलियारि बाहायनाय नड। लावखार ओंखाम जानाय मोनसे गोसो-मेलेमारि गोजोन थासारिजों रंजाथाय लानायसो। मख'नो गोनादि, नारायणगुरिआव बेकि दैसानि सेरफांआव गासै 25 बिगा हायाव 2023-24 माइथायनि थाखाय लावखार ओंखाम जाग्रा जायगा सोरजिदों। लावखार ओंखाम जाग्रा जायगाखौ बेखेवनाय हाबाफारियाव सालबारि टिसिएलसिसिनि मासिगिरि बिन्द मुसाहारि, सुनवारि भिसिडिसिनि चेयारमेन साहिनुर इस्लाम, इउपिपिएलनि दैदेनगिरिफोरा फारियै- सत्यजीत बर', तानेस्वर बसुमतारि, सुरेज सरकार, सरत पाठक, कनिन स्वर्गियारि, सदागर बादशाह, समाज सिबयारि जाहिरुल इस्लामोनजों लोगोसे माखासे जर'खा सुबुंफोरा आलासि महरै बाहागो लाफेदों। हाबाफारियाव मानास माहारियारि पार्कनि लावखार ओंखाम जाग्रा सामलाय आफादनिफ्राय सा 12 खौरंगिरिफोरखौ जर'खा मान बाडनाय जादों। वर्ल्ड हेरिटेज साइट मानास माहारियारि पार्कनि गोथां सोमखोर बिफां-लाइफांजों बेंखना थानाय नारायणगुरिनि दिने बेखेवनाय जायगायाव नाव जावनायनिबो खाबु दड। बेकि दैसा सायाव नाव जावनानै रंजा होनी थाखाय राइजो-राजाफोरखौ गासैबो रोखोमनि खाबु होनायनि थाखाय सामलाय आफादआ थियारि जाबाय होन्नाने सुलुडव फोरमायदों। मख'नो गोनादि, मानास माहारियारि पार्कनि मानास लावखार ओंखाम जाग्रा जायगाफोरव बोसोरफ्रोमबो रोजा-रोजा लावखार ओंखाम जाहैग्रा राइजो-राजाफोरा थुबुर जाफेयो।

बि के डब्लिउ ए सिनि हेफाजाब आरो धेमाजि जिल्लानि गासै माहारियारि आफादनि ...

हाबाफारिआव बाहागो लानानै आलारि बाथिखौ फोजोन्जानानै होयो एस.बि.बड' गेजेर फरायसालिनि बारा' गाहाइ फोरोंगिरि बाजेन्द्र नाथ ब्रह्मआ। हाबाफारियाव बाहागो लायो बि के डब्लिउ ए सिनि गाहाइ मावफुं सोद्रोमा मिहिनीश्वर बसुमतारी, मिरु खौसेथि बर'सुबुं आफादनि आफादगिरि मनुस्वरन बसुमतारी। लोगोसे हाबाफारियाव बाहागो लाबावदों मिरु बर' थुनलाइ आफादनि नेहाथारि सोरजिला ओंवारि, एस.बि. बड' गोजौ फरायसालिनि बारा' लेडाइ गाहाइ फोरोंगिरि ललित चन्द्र बर', ज'नाइ जिल्ला बर'थुनलाइ आफादनि आफादगिरि दिलिप बसुमतारि, खौसेथि बर'सुबुं आफादनि बोसोनगिरि सुखेस्वर गयारि, धेमाजि जिल्लानि खौसेथि बर'सुबुं आफादनि आफादगिरि राथिराम बसुमतारि, एम ए सिनि इ एम मलेन्द्र नाजरी, धेमाजि जिल्ला परिषदनि सोद्रोमा सुभारानि बसुमतारि, आहाम बोराइ बाथौ इरांजि फरायसालिनि गाहाइ फोरोंगिरि बिदेस्वर दैमारि, बोखाव जायै लक्ष्मिपुर जिल्लानि बारा' बि.एल.टिनि आफादगिरि सानसुमा बसुमथारि, खौसेथि बर'सुबुं आफादनि नेहाथारि प्रानजिता बसुमतारि, धेमाजि जिल्ला दुलाराय आइजो अनसाइ आफादनि गाहाइ नेहाथारि भारत हाजवारि। लोगोसे हाबाफारिआव गोबां माहारियारि आफादफोरा खौसेथै बाहागो लानायजों लोगोसे गोबां फरायसुला-फरायसुलिफोरा बाहागो लायो।

सोलोंथाइ गोनानां लाइमोन आबादारिफोरा कसुमबिलआव आदर्श गोनानां आबाद मावना...

आबादारिफोरा बिबारनि आबाद मावनायजों गावनि आथिडव गसंथानो हादों। गोजां बोथोर जागायजेन्याय लोगो-लोगोनो बायदि बिबारफोरजों गामिया आबुं जायो। गुबुन गुबुन जायगानिफ्राय राइजो-राजाफोरा बे गामियाव फेनानै बिबारनि समाइना नुथायनि थासारिखौ नायफेदों। मख'नो गोनादि, गासै 3 जिथाइ सिगां गामिनि थागिरि हरिमहन बिस्वास मुनि सासे सुबुंज सरसनस्रा रंखान्थिजों बिबारनि आबाद मावना जागायजेन्दोंमोन। सम बारलानाय लोगो-लोगो सरसनस्रा आबादआ गेदेत महर लायो आरो बोसोरफ्रोमबो नांगोबायदि रंखान्थि आरजिनो हादों। बे सर्मानफ्रायनो गामिनि माखासे लाइमोन सेंग्रा-सिख्लाफोरा बे आबादखौ मावना थुलुंगाखाडे। आथिखालाव सुर्य महन बिस्वास, निरञ्जन रायमोनजों लोगोसे गामिनि 50 निफ्रायबो बांसिन नख'रयारिफोरा बिबारजों आबादजों लोब्बा जानायजों लोगोसे माखासे सुबुंफोरखौ खामानियाव थिसनो हादों। बिसोरो चन्द्रमल्लिका, मेरिगल्ड, डालिया, सानमोखां बिबार बायदि गुबुन गुबुन जाथोनि बिबारनि आबाद मावना दिहुन्ना अखं आसामनि तिनिचुकिया, डिबुगड, धेमाजीजों लोगोसे मेघालय, त्रिपुरा, सोनाब बंग, भुटान बायदि जायगाफोरव बिबारफोरखौ दैथायहरो। बेबायदि गाव जिउखानाय गामियावनो थानानै नांगोबायदि गोबां बिबाडव आरजिनो हानानै बिसोर आबादारिफोरा जिउ खानो हादों। गुबुन फार्से बिबार आबादनि थाखाय सरकारनि हेफाजाबनिबो मिजिथिदों आबादारिफोरा। बिसोर बुंदोंदि, बिबार सरैखाथिन्याय आरो नांगोबायदि हाथायनि राहा गैथेनि थाखाय मिजिथिन्याय बायदिथै मुलाम्फा मोनो हायाखे। बे बिथिडव सरकारनिमिसि थि थांखि लानो खालायहरदों।

सिध्दार्थ मल्हत्राया गोदान प्रजेक्टनि सायाव खामानि मावनी जागायदों ना?

सिध्दार्थ मल्हत्राया बि टउननि साबसिन फावखुंफोरनि गेजेराव सासे। बियो गोबां सुपारहित सावथुनफोरव फाव खालामना नै गावनि मोनसे आलादा सिनायथिखौ बानायदों। फावखुंगुरखौ आथिखालाव थाबैनी सावथुन 'यध्दा' याव नुनो मोनगोन, जाय फैगो बोसोर एबा 2024 आव सिनेमाहलफोरव रिलिज जानो थाखाय थियारि जादों। फारसेथि आथिखालाव ओरैबायदिबो हमदांदांदि, जानो हागो सिध्दार्थआ गुबुन गोदान प्रजेक्टखौबो लानानै फैगोन। सिध्दार्थ मल्हत्राया दासिमाव जेबो गोदान प्रजेक्टखौ फोसावाखै, नाथाय हमदानाय



बायदिब्ला बियो थाबैनी मावेबा गोदान प्रजेक्टनि सायाव खामानिखौ जागायनो हासिगौ। मख'नो गोनांदि, सिध्दार्थ मल्हत्राखौ दिने बानायगिरि सिध्दार्थ आनान्दिन अफिसआव

नुनो मोन्दों, जायजों मोनसे गोदान सावथुनआव खामानि मावनाया सोलिंगासिनो दड होना हमदानो हायो। दासिमाव जेबो मावख'आरि खालामनाय जायाखै। भिडिअआव सिध्दार्थ मल्हत्राखौ गोथां गाबनि पेन्टजों गोसोम गाबनि स्वेटशार्ट गान्नाय नुनो मोन्दों। अफिसआव हाबनाय समाव

फावखुंगुरआ केमेरानि थाखाय पस्टबो होदों। मख'नो गोनांदि, सिध्दार्थ आनान्दिनो पाठानखौ बिथोन होदोंमोन, जाय बे बोसोरनि बयनिखुइ बांसिन रं आरजिनो हानाय एक्शन सावथुनफोरनि गेजेराव मोनसे जादोंमोन। बावैसो समाव कियारा आडवाणिआ करण जौहरनि स्व कपि विद करण-

8 आव माखासे सोमोथाव बाथ्राफोरखौ फोरमायदों। कपि विद करण-8 नि प्रम'आव कियाराआ फोरमायदोंदि, सिध्दार्थआ गावखौ रमआव प्रपज खालामदोंमोन। जेब्ला करणआ थांनाय सिजनआव सिध्दार्थआ भिक्कीजों लोगोसे बे काउचआव फैदोंमोन होनना बुडो अब्ला बेनि सायाव कियाराया बुडो, जेब्ला सिडआ बै एफिसडनि थाखाय बेवहाय फैदोंमोन अब्ला गावसोर रमनिफ्राय फैफिन्दोंमोन, जेयव बियो गावखौ प्रपज खालामदोंमोन। यध्दानि रिलिजनि बाथ्राखौ बुडोब्ला 2024 नि 15 मार्चआव सावथुनआ रिलिज जागोन। बे सावथुनआव सिध्दार्थ मल्हत्रा, दिशा पाटानि आरो राखि खान्नाया गाहाय फाव खालामदों।

करण जहरआ शाहरुखनि कपि उडथ करण- 8 आव फैयैनि जाहोनखौ फोरमायदों



हिन्दी सावथुननि बादशाह शाहरुख खानआ थांनाय माखासे समनिफ्राय जायखि-जाया स्व एबा इन्टारभिडफोरनिफ्राय जानगराव थादों। बेजों लोगोसेनो फावखुंगुरआ गावनि मोननै ब्लकबास्टर सावथुनफोर पठान आरो जवानखौबो प्रमसन खालामाखैमोन। कपि उडथ करणनि बावैसो समनि सिजनआवबो सुबुंफोर शाहरुख खाननि जेरावबो बाहागो लायैनि सायाव बाथ्रा बुंदों। बेबादिआव सुबुंफोर शाहरुखखौ कपि उडथ करणनि 8 थि सिजनआव नुनो मोनगोन ना मोना बेखौ मिथिनो थाखाय हांखुर जादों। बावैसो समाव सावथुन मेकार करण जहरआ बेनि सायाव बाथ्रा फोरमायदों। कपि उडथ करणनि मोनसे इभेन्टआव करण जहरआ फोरमायदोंदि, शाहरुख खानखौ कपि उडथ करण सिजन 8 आव नुनो मोननाय नड। फावखुंगुरनि बादिब्ला, एसआरकेआ जेब्ला बाथ्रा सावरायनो गोसो जागोन अब्ला बियो फैगोन। करणनि बादिब्ला, शाहरुखजों लोगोसे अरायसम गावनि चाटिआ सोलिबाय थायो। बियो बुंवावदों, जेब्ला मोजों सम फैगोन अब्ला गाव बिखौ एप्रस खालामगोन। करण जहरआ बुंदों, गाव मानिनानै लानाय बादिब्ला, मेगास्टर शाहरुखआ गावनि बाथ्रा सावरायनायनि मोन्थायखौ बाहाइ खालामबाय। गाव बिनि बयनिखुइ खाथिसिन सोमोन्दो थानाय लोगो आरो नख'रनि सुबुं। गाव बिखौ गावनि नख'रनि सुबुं होनानै मानियो। गाव बिनियाव सोंनो हायो आरो बिनियाव आर'ज गाबनो हायो। करणआ फोरमायबावदोंदि, जेब्ला मोजों सम फैगोन अब्ला गाव शाहरुखखौ स्वआव लिंहरगोन।

आपडेटखौ शेरार खालामदों। बियो टुइटाव लिरदों, गाव निरज पान्देजों गावनि कलेब रैशनखौ फोसावो। अजय देभगान आरो तब्बुनि सावथुन औरों में कहां दम था' या फैगो बोसोरव रिलिज जागोन। बे सावथुनआ 2024 नि 26 एप्रिलआव रिलिज जागोन। सावथुनआ सिनेमाहलफोरव ना अटीटीयाव फैगोन, बेखौ दासिमाव फोसावनाय जायाखै। बेयो मोनसे रमान्दिक मिउजिकेल ड्रामा। सावथुननि गाहाय साउन्डट्रेकखौ मुंदांखा मिउजिक बिथोनगिरि एम, एम किरावनिनाय खालामदों, जाय आरआआरनि दिंखो नाटु नाटुनि

तब्बु आरो अजय देभगानखौ आरोबाव खनसे लोगोसेयै नुनो मोनसिगोन

अजय देभगान आरो तब्बुआ मोजों लोगो जानायजों लोगोसेयै माखासे सावथुनफोरव दोहौ सोमजिहोखांबाय। बिसोर सानैआ गोबां सावथुनफोरव गावसोरनि रमान्सजों गिदिर पर्दायाव दोहौ सोमजिहोखांहादों। आथिखालाव आरोबाव खनसे बिसोरनि रमान्दिक केमेस्ट्रीखौ गिदिर पर्दायाव नुनो मोनगोन। बेबि, स्पेशेल 26 आरो दा फ्रिलान्सर बायदि सावथुनफोर आरो सिरिज बानायखानाय निरज पान्देआ गावनि फैनो गोनां सावथुनखौ फोसावदों, जेराव अजय देभगान आरो तब्बुआ गाहाय फाव खालामगोन। बे सावथुननि टाइटलआ 'औरों में कहां दम था' जागोन। अजय देभगानआ 2023 नि 5 डिसेम्बरखालि सशेल मिडियाआव गावनि फैनो गोनां सावथुनखौ फोसावदों। फावखुंगुरआ माइक्र 'ब्लगिं साइट एक्स (टुइटर) आव सावथुननि



थाखाय अस्कार एवाँ देरहाखांबाय। स्टर कास्टनि बाथ्राखौ बुडोब्ला अजय आरो तब्बुनि अनगायै सावथुनआव जिमि शेरगिल, सइ मान्जरेकर आरो शान्तानु माहेश्वरि बायदि फावगिरिफोरखौ नुनो मोनगोन। सावथुननि सल'खौ निरज पान्देआ लिरदों। अजय देभगान आरो तब्बुआ लोगोसेये गोबां सावथुनफोरव फाव खालामदों, जायनि गेजेराव बांसिना बक्स अफिसआव हिट जादों। बिसोर सानैआ हकिक्त, भिजयपथ, दे दे प्यार दे, दृश्यम, दृश्यम-2 आरो भला बायदि सावथुनफोरव स्क्रिन शेरार खालामखांबाय। बिसोर कलेजनि लोगोबो।

थीभनि फावखुंगुर दिनेश फडनिसनि फेन्सफोरनि थाखाय मोनसे गात्रि खौराड सोराडव फैदों। फावखुंगुरआ अरायसमनि थाखाय बे मुलुगखौ नागरालांबाय। 1 डिसेम्बरखालि फावखुंगुरनि देहाया गात्रि जायो आरो बिखौ देहा फाहामसालियाव थिसननो गोनां जादोंमोन। थांनाय 4 सानसिम बियो भेटिलेटराव दडमोन, जिउ आरो थैनायजों जुजिनो गोनां जादोंमोन, जाय बे जुजिनयजों जेन्नांबाय। फावखुंगुरनि रंसारि जानायनि

गाहाम देहानि राहा

देहानि लिरथाइखौ बाडइ खालामनो हास्थायोब्ला फाइबारजों बुंफबनाय मैंगखौ जानांगौ

दोगोनखौ गाहामै लाखिनायाव फाइबारआ गोनांथार बिहोमा होयो। बेयो देहानि लिरथाइखौ सामलायनायावबो मदत होयो। बेनिखायनो नोंथाडा गावनि डाइटाव फाइबारजों बुंफबनाय फुडसफोरखौ लाफादेरनांगौ। फाइबारजों बुंफबनाय जाग्रा आदारआव केल'रिनि बिबाड बाडइ जायो। जायजों देहानि लिरथाइखौ बाडाइ खालामनायाव मदत मोनो। जुदि नोंथानियाव खि गोर जानायनि जेना दड'ब्ला गावनि डाइटाव फाइबारजों बुंफबनाय जाग्रा आदारफोरखौ जानांगौ। बेबायदियाव नोंथाडा बे आर्टिकलआव माखासे मैंग थाइंगफोरनि सोमोन्दे मिबथिनो हागोन, जाय फाइबारजों बुंफबनाय जायो, बेखौ जानायजों उदैखौ बुंनाय मोनो आरो देहानि लिरथाइखौबो बाडइ खालामनो हायो।



मोनो आरो देहानि लिरथाइखौ बाडाइ खालामनायाव मदत मोनो। नोंथाडा बेखौ गावनि डाइटाव जायखि जाया रोखोमै लाफादेरनो हायो। नोंथाडा ब्रकलिखौ सालादआवबो लाफादेरनो हायो। लोगोसेनो गुबुन मैंग ओंखामजोंबो फोमोनफानो हायो।

देहायाव दैन बाडाइ जानाय जानगर जायो। 3. गाजर: गाजरआव सलुबल आरो इन्सुलबल मोननै रोखोमनि फाइबार थायो, जाय दोगोनखौ गाहामै लाखिनायाव मदत होयो। नोंथाडा बेखौ गावनि डाइटाव गोबां रोखोमै लाफादेरनो हायो। गाजरखौ मैंग एबा सालादिनि महरैबो जानो हायो। 4. मटर गोथां: मटर गोथांडाव फाइबारखौ थोजासे बिबाडव मोननाय जायो। बेनि अनगायै बेयो प्रटिनजों बुंफबनाय जायो। नोंथाडा बेखौ मैंग, परटा एबा टिक्कीआवबो लाफादेरनो हायो। 5. पालें: पालें मैंगआ गोबां गुण गोनां जायो। बेयाव आइरन, फाइबार आरो गुबुन एन्टि अक्सिडेन्ट गुणखौ मोननाय जायो।

'सिआइडि'नि फ्रेडि एबा दिनेस फडनिसआ रंसारि जाबाय



थीभनि फावखुंगुर दिनेश फडनिसनि फेन्सफोरनि थाखाय मोनसे गात्रि खौराड सोराडव फैदों। फावखुंगुरआ अरायसमनि थाखाय बे मुलुगखौ नागरालांबाय। 1 डिसेम्बरखालि फावखुंगुरनि देहाया गात्रि जायो आरो बिखौ देहा फाहामसालियाव थिसननो गोनां जादोंमोन। थांनाय 4 सानसिम बियो भेटिलेटराव दडमोन, जिउ आरो थैनायजों जुजिनो गोनां जादोंमोन, जाय बे जुजिनयजों जेन्नांबाय। फावखुंगुरनि रंसारि जानायनि

खौरांखौ बिनि क-स्टर आरो दयानन्द शेट्टिआ बेनि खौरांखौ होदों। बियो फोरमायदोंदि, गावनि लोगोआ हरनि 12:08 रिंगायाव जोबथा हां बोदों। 57 बोसोर बैसोआव फावखुंगुरआ बे मुलुगखौ नागरालांबाय। बिनि रंसारि जानायनि खौरांजों टिभि इन्डस्ट्रीआव दुखुनि थासारिया सागलोबसरदों। मख'नो गोनांदि, रबिबास्खालि पुंनि समाव दिनेश पडनिसनि हार्ट अटक जानायनि खौरांखौ मोन्नाय जादोंमोन, जायनि जाहोनाव बिखौ मुम्बाइनि तुंगा

देहा फाहामसालियाव थिसननाय जादोंमोन। फारसेथि मोनाबिलि जानाय लोगो लोगोनो बिनि देहानि आपडेटआवो सोराडव फैदोंमोन। दयानन्द शेट्टिआ मोनसे इन्टारभिडआव फोरमायदोंमोनदि, बियो हार्ट एटाक जायाखैमोन, बिनि लिभारआसो डेमेज जादों, जायनि जाहोनाव बिखौ देहा फाहामसालियाव थिसननो गोनां जायो। दिनेश फडनिसआ 'सिआइडि' आव गोबाव बोसोर खामानि मावदोंमोन। बियो 1998-2018 सिम फ्रेडिक्सनि फाव खालामदोंमोन। बिखौ तारक मेहता का उल्टा चश्मा'यावबो के मिय' फावआव नुनो मोन्दोंमोन। बेनि अनगायै बिखौ आमिर खाननि सावथुन सरफर'श आरो ऋतिक रशानि सुपार 30 आवबो नुनो मोन्दोंमोन।

शाहरुख खाननि सावथुन डंकि ड्रप 4 नि ट्रेलारआ रिलिज जाबाय

शाहरुख खानआ बे बोसोरव गावनि जोबथा आरो बयजोंबो नेनानै थाजानाय सावथुन 'डंकि' जों फैसिगोन। बिनि मोननै सावथुनफोर पाठान आरो जवानआ सिगाडाव ब्लकबास्टर जानो हादोंमोन, जायनि उनाव फेन्सफोरा 'डंकि'खौ नेनानै थादों। आथिखालाव 'डंकि'नि ट्रेलारआवो सोराडव फैबाय। 'डंकि'आ राजकुमार हिरानिजों बिथोन होजानाय सावथुन, जाय हाडी आरो बिनि लोगोफोरनि फिसा मुलुगनि रलार कस्टर राइड जानिखौ दिन्थिनोन। राजकुमार हिरानिआ सिम्पल



स्ट'रिखौ कमेडि आरो सशेल मेसेजजों लोगोसे दिन्थिनयनि थाखाय मिबथिजायो आरो बे नेमखान्थिखौनो डंकि'यावबो नुनो मोनगोन। ट्रेलारखौ नुनानै बेखौ हमदानो हायो। डंकि ड्रप 4 नि ट्रेलारआ रिलिज जाखांबाय। बेखौ ट्रेनिफ्राय ओंखारनाय शाहरुखनिफ्रायनो

जागायदों, जाय गावजों लोगोसे गावनि लोगोफोरखौबो लन्दनआव लाना थांनो नांथाबो। ट्रेलारआ 'हाडी' (शाहरुख) निफ्राय जागायो। बियो पान्जाबनि गंसे समायना जायगायाव सौहैयो, जेराव बिनि लोगोफोर मनु, सुखि, बग्गु आरो बल्लिआ दड।

बिसोरनिनाय मोनसेल' सिमां दड। बिसोर लन्दनआव थांनो हास्थायो आरो गाव-गावनि नख'रनि सुबुंफोरखौ गोजोनै लाखिनो हास्थायो। गावसोरनि बे सिमांखौ आबु खालामनो थाखाय साफ्रोमबो इंराजि सोल्लोंनो नांथाबो। बिसोरनो ट्रेनि होनाय जायो, जेराव बमन इरानिया फोरोंगिरि जायो। ट्रेलारआव गोबां गोमोथाव थासारिफोरखौ नुनो मोनो। शाहरुखआ गावनि कमेडि स्टाइलआव सुबुंफोरखौ मिनिहोयोब्ला, भिडिअआव नुनो मोनबावदोंदि बेवहाय

इमशानेल एंगलखौबो सरजाबनाय जादों। बे सावथुनआ 22 डिसेम्बरआव रिलिज जागोन।

रणदिप-लिनआ मुम्बाइयाव थाबैनी रिसेप्शन पार्टि होसिगोन

रणदिप हुड्डया 29 नभेम्बरखालि गावनि गोलाव समनि गालफ्रेन्ड जानाय लिन लेसमयखौ जुलि लाबाय। बे जयया मणिपुरआव मेतेइ आसार खान्थिजों जुलि जायो। सशेल मिडियाआव जुलिन सावगारिफोर आरो भिडिअआ गोबां भाइरल जादोंमोन। फारसेथि आथिखालाव बे जरानि वेडिं रिसेप्शननि अक्टआ सोराडव फैदों। रणदिप हुड्डा आरो लिन लेशरामआ ट्रेडिशनल वेडिंनि उनाव मुम्बाइआव गावसोरनि लोगोफोरनि थाखाय रिसेप्शन पार्टि होसिगोन। हिन्दुस्तान टाइम्सनि रिपर्टनि बायदिब्ला, रणदिप हुड्डा आरो लिन लेशरामआ मुम्बाइयाव मोनसे स्टर-स्टडेड वेडिं रिसेप्शन हस्ट खालामसिगोन आरो बेयो 11 डिसेम्बरआव जागोन। रिपर्टआव दाबि दैखानाय बायदिब्ला, बे रिसेप्शन पार्टिआव रणदिप आरो

लिननि नख'रनि अनगायै सावथुन इन्डस्ट्रीनि लोगोफोरा बाहागो लागोन। भेन्नुआ दासिमाव सोराडव फैयाखै। बे समाव जरखौ ट्रेडिशनल एथनिक मणिपुरि आउटफिट गाननाय नुनो मोनगोन। जरनि आलासि फारिलाइयाव सोर-सोर थागोन बेखौ मोनथिनय जायाखै। नाथाय हमदाना लानाय बायदिब्ला सलमान खाननिफ्राय लानानै एश्वर्या रायजों लोगोसे माखासे स्टरफोरखौ नुनो मोनगोन।



बिग बस 17 आव सना रइश खाननि सायाव न'नि सुबुंफोरा गोबां रागा जौंखांदों

उकिल सना रइस खानआ जेब्लानिफ्राय जेना गोनां स्व' बिग बस 17 नि बाहागो जादों, अब्लानिफ्रायनो बियो लान्थियै खौराडाव थादों। सप्ताहफ्रोमबो सनाया मावेबा नडा मावेबा एरैबादि खामानिफोरखौ मावो, जायनि जाहोनाव बियो लाइमलाइटाव थायो। माब्लाबा बियो गुबुनजों गिखंथाव दावराव-दावसि जायोब्ला माब्लाबा भिक्की

जेनजों खाथिनि सोमोन्दो लाखियो। आथिखालाव बियो माखासे एरैबादि खामानि मावदों, जायनि जाहोनाव न'नि गासैबो सुबुंफोरा बिनि हेंथायै गसडे। मख'नो गोनांदि, बे समाव सना रइस खाननि सायाव दो-दोख्ला सुनायनि डिउटि थायो, नाथाय बियो लोमजानायनि आखु दिन्थिफलानानै दो-दोख्ला सुनो नेवसियो। भिक्की जेनआ बिखौ दो-दोख्ला सुनो थिनो,



नाथाय सनाआ नेवसियो। बियो मोनसेबो बाथ्रा खोनासडा। सनाआ बुडो, एसेबां दो-दोख्ला सुनायनि सोलायै

लोमजानायनो गाहाम। सनानि जाहोनाव न'नि साफ्रोमबो सुबुंफोरा जेनायाव गोलैयो। भिक्कीआ बुंबावो, बेयो बे

न'आव थानाय सुबुंफोरनि' बिबान नडा। बेनि सायाव मुनव्वर फारुकिया रागा जौंखाडे आरो बेयो भिक्कीनि बिबान होनानै बुडे। बियो सनाखौ गावनि डिउटिखौ मावनो थिन्ने थाखाय भिक्कीखौ खावलायो। सनानि खामानि मावयैआव बिग बसआ मोनसे नेमखाथि बानायो आरो बिसोरनो गासैबो डिउटिनिफ्राय सुथि होयो, नाथाय बेनि सोलायै न'नि

सुबुंफोरनि माइरंआ बाडाइ जायो। बे बाथ्राजों सनाखौ गोबां गोजोन्नाय नुनो मोनो आरो बियो बुडोदि, गाव बिग बसनि अफारखौ मोजों मोन्दों, नाथाय बेजों न'नि सुबुंफोरा बांसिन रागा जौंखांदों। साफ्रोमबो सनानि सायाव जोबोद रागा जोडे आरो बिनि सायाव गोखों बाथ्राफोर बुडे, नाथाय सनाआ बेयो गेम होनानै थायो।

चक्रवात मिचुंजों चेन्नाइआव सा 8 सुबुंफोरनि जिउ ख'हा जायो

गोदान दिल्ली, 5 डिसेम्बर : चक्रवात मिचुंनि गोहोमाव तामिलनाडु आरु अन्ध प्रदेशनि माखासे जायगाफोराव रोजा अखा हादों। थानाव गैयै अखा हानायजों चेन्नाइ उरां गाथोननि रानवेआवबो दै जमा जायो। बेनि जाहोनाव उरां गाथोनाव बाफेनो गोनां आरु बिरखानों गोनां गं 70 उरां जाहाजफोरखौ केन्सेल खालामनाडे। बेफोरनि अनगायै गं 33 उरांफोरखौ चेन्नाइनिफ्राय बेंगालुरुआव डइभार खालामनो गोनां जायो। बोथोर बिफाननि बायदिव्ला, समबार सानजौफु समाव मिचुं बारहुंखाया चेन्नाइनिफ्राय 100 किल'मिटर सा-सान्जा फारसे आरु नेल्लरनिफ्राय 120 किल'मिटर खोला सान्जासिम सौहैनायै गावनि गोहोखौ दिन्थिदों। तेलुगु डेशम पार्टीनि आफादगिरि आरु तिरुपतिनि एमएलए भुमना करुनाकार रेडडी आरु नोजोर कमिसनार हरिताया



पुलाबानि गुन्ता आरु गलाबनी गुन्ता ओन्सोलफोराव थासारिखौ नायगिदिहैदों। बे ओन्सोला मिचुं बारहुंखानि गोहोमाव अखा हानायजों दै लोमसावदों। चेन्नाइनि वेस्ट तामबरम सिटिअ कलनी आरु ससिबरधाम नोगोर ओन्सोलाव गोबां अखा हानायजों दै बाना सोमजियो, जेराव सुबुंफोरा हान्था-मैला खालामनायाव नाव बाहायदों। तामिलनाडुनि गिबि मन्थि एम

के स्टालिनआ चक्रवातजों गोहोम गोग्लैनाय ओन्सोलफोरखौ नायगिदिहैयो आरु बैयावनि सुबुंफोरजों सावरायो। दावबायनाय समाव बिथाडा बारहुंखाजों गोहोम गोग्लैनाय सुबुंफोरनो रेहायनि मुवा-बेसादफोरखो रान्ना हैयो। चक्रवात बारहुंखानि जाहोनाव चेन्नाइयाव सा 8 सुबुंफोरनि जिउ गोमाबाय। बे खौरांखौ पुलिसआ मिबथिहोदों। मिचुं

बारहुंखानि गोहोमखौ उरिष्यावबो नुनो मोनगोन होन्ना बोथोर बिफाना सांग्रांथि होदों। गोबां रोजा अखा हानायखौ नोजोर होनायै गाजापत्ति जिल्लानि गासैबो गुदि, गेजेर, गोजौ फरायसालिफोर आरु आंगनवाडि सेन्टारफोरखौ 6 डिसेम्बरसिम बन्द'फोसावदों। मिरुनि नख'र मन्थि अमित शाहया बारहुंखाजों गोहोम गोग्लैनाय राइज्योफोरनिफ्राय

मिरुनिफ्राय आबुं मदत होगोन होन्ना बुंदों। बिथाडा बारहुंखा फेनायनि जाहोनाव नुजाथिनाय थासारिखौ लाना तामिलनाडुनि गिबि मन्थि एमके स्टालिन, अन्ध प्रदेशनि गिबि मन्थि वाइएस जगनमहन रेडडी आरु पुडुचेरिनि गिबि मन्थि एन रंगास्वामीजों फनआव बाथा सावरायो। फारसेथं बारहुंखाखौ नोजोर होना उरिष्यानि लैथोमा सेर बोरि बाहागोनि जिल्लाफोरावबो एलाट फोसावनाय जादों। उरिष्यानि गंथामबो जाहाज गाथोनाव 2 नाम्बार खैफोदनि निसान लागायनाय जादों। बोथोर बिफाना उरिष्यानि दरबा जिल्लाफोराव गोबां अखा हागोन होन्ना सांग्रांथि होनायजों लोगोसे ना हमगाफोरखौ लैथोयाव थाडैनि बोसोन होदों।

इउक्रे ननो हरनाय सान्थियारि मदतआ बन्द' जायोब्ला पुतिनआ देरहासार जागोन होन्ना हवाइट हाउसआ सांग्रांथि होदों

वाशिंटन, 5 डिसेम्बर : रासिया-इउक्रे न दावहा सोलिबाय थानायनि गेजेराव हवाइट हाउसआ आमेरिका कंग्रेसनो सांग्रांथि होयो। हवाइट हाउसआ बुडोदि, जुदि इउक्रेननो मदत हरनायखौ बन्द' खालामोब्ला पुतिनआ देरहानो हागौ। समबाराव मोनसे सांग्रांथि होनायै हवाइट हाउसआ बुडोदि, इउक्रेननो आमेरिकाया सोलिफु बोसोर जोबजासिम मदत हरबाय थागोन। अदेबानि इउएस कंग्रेसआ गोदान फान्डी हरनायनि गनायथि होयाब्ला रासियाआनो बे दावहायाव देरहासार जानो हागौ। हादतगिरि ज' बाइडेननि बाजेट डायरेक्टर शालन्डा यांआ रिपाब्लिकान हाउसनि आफादगिरि माइक जनसननो लिरहरनाय लाइजामाव बुंदोंदि, जुदि



इउक्रेननि थाखाय सान्थिआरि मदत हरनायखौ बन्द' खालामोब्ला, रासियानि गाग्लोबनायनि हेंथायै क्वीर्भनि गोखौं जुजिनाया लोरखां जागोन। बेखौ आबुं खालामनो थाखाय फान्डीनि जेबो मख'जाथाव राहा मोन्नाय जायाखै। गावसोहरा रंखांथि गैया जानाये फेदों आरु समआबो जोबनायनि लामायाव फेबाय। मख'जाथावदि, बाइडेनआ थानाय अक्टबरव कंग्रेसनिफ्राय इउक्रेननि

थाखाय सान्थियारि मदत आरु हामासनि हेंथायै इज्राइल दावहानि थाखाय 106 आर'ब डलारनि माहारियारिरेखाथि पेकेजनि दाबि खालामदोंमोन। नाथाय रंखांथि आंखाल बे दाबिखौ सुफुंनो हानाय जायाखै। माहारियारि रेखाथि बोसोनगिरि जेक सुलिबानआ बुंवावोदि, कंग्रेसआ इउक्रेनआव सोलिनाय दावहायाव मदत होनायखौ सोलिहोलांगोन नामा बेनि थि थांखि लानांगोन।

गाजानि राफायाव इज्राइलआ एयार स्ट्राइक खालामदों



उदैफोर बायखोन्दा थुखाफोरनि सिडव होसिन्ना थायो। सुबुंफोरा गोबां नाजानायनि गेजेरजों बिसोरनि खायसेखौ जिउ गोनां थासारियाव बोखानो हायो आरु खायसेखौ थैनाय थासारियाव मोनो। गोबां नाजानायनि गेजेरजों उदैफोरखौ बायनाय बिलिंड सिंनिफ्राय दिहुन्नो हानाय जादोंब्लाबो बयनिबो गोसोआव दाहा आरु दिक्कार लाबोयो। जायगानि सुबुंफोरा फोरमायनाय बायदिव्ला इज्राइलनि गोदानै गाग्लोबनायाव 1 दर्जननि बांसिन सुबुंफोरनि जिउ गोमादों, जेराव उदै गथ'फोरखो दंफायो। बिसोरो बुंदोंदि, बिलिंड बायग्रबनाय थुखाफोरनि सिंनिफ्राय माखासे गोथै सह'फोरखौ दासिमबो बोखानो हानाय जायाखै। मख'जाथावदि, राफा ओन्सोला मिस्त्र सिमनानि जोबोद खाथियाव दड। बेनि गेजेराव इज्राइलआ बेयावनि नोगोरिफोरखौ गाजानि गुबुन बाहागोनिफ्राय खोला फारसे थानाये थाहैनो खावलायदों।

इज्राइल सान्थिया खोला गाजानि खान इउनिस सहरखौ नागारनो बिथोन होदों

जेरुजालेम, 5 डिसेम्बर : इज्राइल सान्थिया खोला गाजानि बयनिखुडुबो देरसिन सहर खान युनिसखौ नागारनानै थानो बेयावनि थागिबिफोरनि सायाव गोखौंसिनै नारसिन्दों। बे सहराव गाग्लोबनाय सोलिबाय थानायनि गेजेराव इज्राइल सान्थिया सहर नागारना थानो बिथोन होनाय आरखौ रवजों लिरनाय लाइजाम एबा लेखा बिलाइखौ उरां जाहाजजों गाहायाव हगारलादों। बे लेखा बिलाइआव सहरनि मान सावगारिबो दड आरु बेनि बै बाहागोनि से बाहागोखौ गोमो गाव होनायै बेयाव थानाय सुबुंफोरखौ इमार्जेन्सियै न' नागारना गुबुनाव थाहैनो बुंदों। बेयावनि सुबुंफोरखौ भुमध्य लैथो एबा मिस्त्र सिमनानि फारसे आवगानयनै थाहैनो बुंनय दड। फारसेथं गासै गाजायावनो इज्राइल सान्थिया अखां आरु हा साजों गोखोडै गाग्लोबगसिनो थादों। खान युनिसनि बायजो ओन्सोलाव थानाय सुबुंफोरा बुंदोंदि, दावहा




जागायनायनिफ्राय गाजा सिटिआव थानाय गावनि आंगो न'खौ नागारलानायनि उनाव बियो खेबथाम थाग्रा जायगाखौ सोलायनांबाय। मोनफोमबो जायगानिफ्रायनो जिउउखौ रैखा खालामनो थाखाय सरसन्ना मुवाफोरखौ लोगोआव लानानै खरानादों। दुखुनांथावदि, फिन खनसेबाव बिसोरो बे जायगाखौ नागारनानै थानांगौ जानाये फेदों। गोब्राव थासारिजों भुगिनांनय आरु गोजोनै खबसे ओंखाम मोनजायैनि दाहाजों बिसोर सुबुंफोरा सा गाजायावनो

गावसोरनि आंगो न'आवनो इज्राइल सान्थिया जिउ फोजोबखानाया साबसिनमोन। बेबायदि जेनायाव खोखैनायै मानो गोथाडै नो बुथारखो होन्नाबो बुंदों। गासै 23 लाख सुबुं अन्जिमा गोनां गाजापट्टिआव थानाय 7 अक्टबरनिफ्राय सोलिबाय थानाय इज्राइल सान्थिनि गाग्लोबनायाव बेयावनि 80 जौखोन्दो सुबुंफोरा न' गैजायै जानांबाय। गाग्लोबनायनि गेजेरजों गासै गाजापट्टिखौनो इज्राइल सान्थिया बेंखन्नायै

लादों। बेनिखायनो बिसोर न' गैजायै सुबुंफोरा जिउ रैखा खालामनो थाखाय जायगा सोलाय-सोलाय खारनानै थानांदों। बावैसो सिगां इज्राइल-हामासनि दावहाखौ सप्ताहसे दोन्थ'नायनि सिगां गाजायाव सोलिनाय 52 सान दावहा जानायाव 16 रोजा सुबुंफोरनि जिउ गोमानायनि आरु 50 रोजा जोखोम जानायनि खौरां मोन्नाय जादों। गासै थैनाय सुबुंफोरनि 70 जौखोन्दोआनो आइजो आरु उदै गथ'फोर।

इसर'नि प्रपल्शन मडयुलआ गावनि मिशनआव जाफुंसार जाबाय



गोदान दिल्ली, 5 डिसेम्बर : चन्द्रयान-3 नि प्रपल्शन मडयुलआ बुहुमनि कक्ष लामायाव गिदिंभोफिनबाय। जाफुंसार जानाय बे मिशननि उनाव इशर'आ मोनसेबाव गिदिर जाफुंसारनाय मोनो हादों। सशेल मिडिया एक्सआव इसर'आ पस्ट होन्ना फोरमायदोंदि, चन्द्रयान-3 मिशन: सिएडच 3 नि प्रपल्शन मडयुलआ खेबसे गिदिंनायाव जाफुंसारदों। मोनसेबाव जर'खा एक्सपेरिमेंटआव मडयुलखौ

अखाफोरनि कक्ष लामानिफ्राय बुहुमनि कक्ष लामायाव लाबोनाय जादों। मख'जाथावदि, अख्रमा यानखौ थानाय 14 जुलाइआव ए स डि ए स डि स, एसएचएआरनिफ्राय एलभिएम 3-एम 4 रकेटजों लन्च खालामनाय जादोंमोन। बेनि उनाव 23 आगस्टखालि भिक्रम लेन्डारआ अखाफोराव जारिमिनारि लेन्डारखालामो आरु बेनि उनाव प्रज्ञान रबरखौ हाबाफारियाव थिसनो। लेन्डार

आरो रबरखौ 14 सानसिम हाबाफारियाव थिसनो हानाय जादों। बेनि गेजेरजों चन्द्रयान-3 मिशननि थांखियै आबुडै जाफुंसारो। मख'जाथावदि, चन्द्रयान-3 मिशननि गिबि थांखिया अखाफोरनि खोला अर्बिटनि साखाथियाव भिक्रम आरु प्रज्ञानखौ सप्ट लेन्डिं खालामनानै दिन्थिफुनायमोन। फारसेथं प्रपल्शन मडयुलनि गाहाइ थांखिया लेन्डार मडयुलखौ जिय 'स्टेसनारी ट्रान्सफार अर्बिट (डिटिअ) निफ्राय जोबथा अखाफोर अर्बिट बेंखन कक्षासिम सौहैहोनाय आरु लेन्डारखौ गावस्नाहोनायमोन। बे मोननैया गावस्नानायनि उनाव प्रपल्शन मडयुलआव थानो हाथाव ग्रह' बुहुम फेल्दनि स्पेक्ट-पलरिमेंट्रिखौबो लन्च खालामनाय जायो।

इज्राइलआ गाजायाव गोखौंसिनै गाग्लोबगोन होन्ना फोसावदों

नेल अभिब, 5 डिसेम्बर : इज्राइल आरु हामासनि दावहाया आथिखालावबो सोलिगासिनो दड। दावहाखौ सप्ताहसे दोन्थ'नायनि रादाय बायदियै दावहाखौ दोन्थ'नायनि उनाव इज्राइलआ गिखंथावसिनै गाजायाव गाग्लोबदों। रोजा रोजा सुबुंफोरनि जिउ गोमानायनि उनाव बे गिखंथाव दावहाया मब्ला जोबथा हैगोन बेखौ रावबो बुंस'नो हाया। नाथाय आथिखालाव इज्राइलआ गोखौंसिनै गाग्लोबनायखौ नुनो मोन्दों। दावहा दोन्थ'नाय समाय-सिमाया जोबनायनि



उनाव इज्राइल हान्जानि बुंथिगिरि रियार एडमिरेल डेनियल हगारीआ बुंदोंदि, इज्राइलआ हामासनि हेंथायै गावनि आबुं गोहोखौ बाहायनानै दावहा नादों। सा गाजायाव हामास उतखारिफोरनि सायाव गावसिन

सानसि हान्जाया गोखोडै गाग्लोबदों। आथिखालाव गावसोरनि सान्थिया खोला गाजायावबो हामास उतखारिफोरखौ उनसंनानै गाग्लोबदों। हामास उतखारि आरु गुदि बिथानि हेंथायै गोबां

सान्थि हान्जाखौ बाहायनानै गाग्लोबगोन। बेफोर गाग्लोबनायाव सरसन्ना नोगोरारिफोरनि ख'हा जानांनयखौबो बाडाइ खालामनो थाखाय नोजोर होनाय जागोन। अदेबानि हामास उतखारिफोरा नोगोरारिफोरखौ गावसोरनि सिगाडाव दोन्नायै दाहाल महैरिबिसोरखौ बाहायना गावसोरखौ रैखाथि होनो नाजगसिनो दड। सिगां फारसे हगारीया बुंवावोदि, इज्राइल सान्थिया 7 सानसिम गोजोनै थादों। बिसोरो दावहा दोन्थ'नाय गोरोबथाखौ गाहामैनो फालिदों।

गावसोर दावहा दोन्थ'नायनि थांखिखौ सान्थियारि थियारिखौ बांहोनो, हामासनि हेंथायै स्नोद खौरां बुथुमनो, गाग्लोबनाय हाबाफारिखौ साबसिन खालामनो थाखाय लादोंमोन। बे समाव गावसोर हा साजों गाग्लोबनाय थांखियाव गोखौंसिन लाबोनो हादों। उतखारि हान्जाया गावसोरनि बेंखनआव लानाय इज्राइलनि नोगोरारिफोरखौ हगारनो गनायथिया जासे आरु रादायखौ सिमफायनानै दावहा नानायनि थांखिखौ सायख'ना लादों। मख'जाथावदि, थानाय शुकुबारखालि फुंआव इज्राइल-हामासनि 7 सान दावहा दोन्थ'नाय समा जोबनायनि उनावनो हामासनि सायाव फिन खनसेबाव इज्राइल सान्थिया गोखोडै गाग्लोबदों। बे समाव इज्राइलआ गाजानि नोगोरारिफोरा रैखाथियै थानो हानाय खोला गाजायावबो गाग्लोबनायखौ जागायबाय, जायनि गेजेरजों सुबुंफोरनि गेजेराव गिखानाय थासारि सोमजिदों।

भारतनि अराय थान्दै कम्बजआ 62थि इउएन समाजारि जौगाखां आयगनि जथुमखौ दैदेन्दों

गोदान दिल्ली, 5 डिसेम्बर : इउएनआव भारतनि अरायथा थान्दै रुचिरा कम्बजआ समबाराव 62 थि इउएन समाजारि जौगाखां आयगनि जथुमखौ दैदेन्दो। मख'जाथावदि, बे जथुमाया फेगौ बोसोर 2024 नि 5-14 फेब्रुवारीयाव खुंजाबावगोन, जायखौ इउएन मावख'नि

सन्मेलन खालामग्रा ख'था 4 आव जागोन। इउएननि वेबसाइट बायदिव्ला, आयगआ इन्टरनेशनल फेमिलि एयारनि 3 थि बोसोरारि सानबो फालिनाय जागोन। 62 थि जथुमानि गाहाइ आयदाया गुणगोनां जौगाखानायनि थाखाय 2030 एजेन्डानि हाबाफारियाव जौगाखांनयखौ गोखों



खालामनो आरु निखावरि फोजोबसांनयनि गोखों थांखिखौ मोनफुनायनि थाखाय समाजारि खाथिफोरनि गेजेरजों समाजारि जौगाखां आरु समाजारि न्यायखौ बांहोनाय। सशेल मिडिया एक्सआव भारतआ मोनसे पस्ट होनायै इउएनआव जानाय ब्रिफिनि बागै गुवारै शेरार खालामनानै

बुंदोंदि, भारतआ फेब्रुवारी 2024 आव समाजारि जौगाखांनि थाखाय 62 थि इउएन आयगनि थियारियाव दरसे सोद्रेमा रइज्यो ब्रिफिखौ दैदेन्दों। ज' जानानै जौनि थांखिखौ बांसिनै बावसोमनाय आरु गोलैसिन इयुनि थाखाय मुलुगनां हेफाजाव होज्जानायनयखौ बांहोनाय खौरांनय बायदिव्ला

कम्बजखौ 62 थि समाजारि जौगाखां आयगनि आफादगिरि आरु सायख'जानाय लेडाइ आफादगिरि महैरै सायख'नाय जायो। डमिनिकान गणराज्यनि अरायथा मिशनआव लेडाइ अरायथा थान्दै जन इभानव्स्की, लाकजामबागैनि अरायथा मिशनआव काउन्सेलर थमास लेमारआबो बाहागो लायो।

कम्बजखौ 62 थि समाजारि जौगाखां आयगनि आफादगिरि आरु सायख'जानाय लेडाइ आफादगिरि महैरै सायख'नाय जायो। डमिनिकान गणराज्यनि अरायथा मिशनआव लेडाइ अरायथा थान्दै जन इभानव्स्की, लाकजामबागैनि अरायथा मिशनआव काउन्सेलर थमास लेमारआबो बाहागो लायो।

